

3 арын дунд
и, 1980 арын ду

Танам туша
иш на, хотын н
лосв се буреувэе

тар ортгиз, Индс
твен те 250³⁰⁰сюр

ам аягдэ ши еви
вагз 13ымь 2006

возьмашо ван
арисын, керсвэлл

изы 30 декабря. Со
валмдэл. Тэбэлдэ

мокасско когд
саркскелл. Се

о, туя мокасск
Шампан, горз ва

тйсови, дуви Тонс
еб арег, шампан

ТЕТРАДЬ №5

2006



2006 ар. Январь

Шуизы вал, 2003 арын дунне быроз, нош война вылын, 1980 арын «дунне быроз» – шуизы вал. Тани туннэ но дунне вылын улйськомы на, кытын но отын 1000-эн адямиослэсь ке быремзэс верано өвөл. Тани 1 ар ортчиз Индостанын цунами ортчем. Отын пе 250 сюрс (300 сюрс) адями бырем. Ми медам адже ини сыче адзонъёсыз. Мед шуд ваёз Виль 2006-тй ар.

Азыло Виль арез но возьмано вал кадь. Таяз чик нокуче ик ой кариськы, пересьми лэся. Но Розаен Юляен бертйзы 30 декабре. Саламъёс но шампан ваиллям. Бөлякъёс кин кызы кытын люкасько кадь. Ми Эляос доры потано кариськимы. Соос бөлякенызы люкасько. Туэ люкаськыны черод Эляос доры. Шампан, горд винаен 1 буханка нянь поттймы. Озы Пекеля бөлякен огиньын Виль арез пумитамы.

Уйшор бере 2 час вал кадь бертыкумы. Роза 1 январе нунал лумбыт йыр висе шуыса кыллиз. 1-2 чарка шампан юыса, макмырай пе. Мунчо эстыны турттйсько вал. «Малы туннэ эстод?» – шуиз. Мунчо ке эстоно, шунит мунчын мисьтаськоно 2 январе эстыса, мисьтаськи. Юля но ветлйз. Жог эстйськем лэся, вазь мынйськем-а? йыръёсамы йөтйз. 3 январе Роза дйськутъёсыз миськылйз. 4 январе кошкызы, Розалы пе 5 числое уже потано.

6 январе шур съёры потй, тодй, лавкае пе собрание орчытыны лыкто. Мынй, кёня ке адями вал ини. Райпоос торт но шампан вина ваиллям, Лина жок вылэ сион пуктылэм. Эгыр самовар быректэм. Шампан юимы. Линалэсь аслэстыз юимы собере ваньмы быдэн четушка басьтыса сектамы. Юимы, ваньмы куджймы.

Монэ Лена лыктыса, дораз нуиз. Көлий, дорын жытсэ пудо сюдытэк, люктатэк көлйзы. Корка но жытсэ эстытэк кылиз. Пичи палыз –3 –4⁰ луэм. Ури-бери плитаосыз эстй, шунтй. Пудоосыз люктай, сюдй.

7 январе Ымусьтон. Оксинья лыктйз, собере Педора Маня, собере Шапей Тоняез аджыса отимы. Озы быдэн чарка юыса, чай юыса пукимы. Собере Оксинья доры мыныса, жомалозь пукимы.

8 январе Рая библиотекарь доры ветлй. Гуртлэсь историзэ гожья. 10 январе нош Эляос доры потыса пуки. Лавкае но долгез тыроно шуыса.

14 январе Вуж выль ар. Ъкна вазь султыса, нянь пыжи. Виртрем сионлы сюлэм шуг улйз. Тодыны потай ку лыктыны ваньмозы меда. Мунчо быретыса жыт потыны кенешизы. Мон но бертыса мунчо эстоно кариськи. Куазь шунит луиз 0⁰, –2⁰ собере кезьдэктоз шуыса кемалась веразы вал ини. Мунчын дыръям ик Ленаен Паша вуизы. Игорьёс виртрем сиыны өз бертэ. 15 январе 11 часлы Венералэн вордйськем нуналаз өтем.

15 январе ветлймы Венералэн вордйськем нуналаз. 3 часын кошкись автобусэ келяны малпаз лэся Игорьь. Русланэз Ёрги 5 часын келялоз.

Туз тол куазь кезьыт луоз шуыса, гужем ик веразы, дуринчиос пе трос, озьы ик луыса кошке кадь ини.

16/I-06

15/I-06	җукна -20°	нуназе -22°	жыт -22°
16/I-06	җукна -37°	нуназе -34°	жыт -35°
17/I-06	җукна -32°	нуназе -30°	жыт -31°
17/I-06	оло -40° луиз кожай вал, но тöлыз туж кезьыт. коркан $+15^{\circ}$ гынэ луиз.		
18/I-06	-24°	-21°	-24°
19/I-06	$-37-38^{\circ}$	-32°	-33°
20/I-06	-44°	-39°	-35°
21/I	-34°	-30°	-30°
22/I-06	-30°	-25°	-28°

**Коркан
Бад⁸² палаз**

15/I-06	җукна $+15^{\circ}$		жыт $+21^{\circ}$
16/I-06	җукна $+14^{\circ}$		жыт $+20^{\circ}$
17/I-06	җукна $+11^{\circ}$	нун. $+15^{\circ}$	жыт $+20^{\circ}$
18/I-06	$+12^{\circ}$	$+16^{\circ}$	$+20^{\circ}$
19/I-06	$+12^{\circ}$	$+19^{\circ}$	$+21^{\circ}$
20/I-06	$+11^{\circ}$	$+17^{\circ}$	$+18^{\circ}$
21/I-06	$+9^{\circ}$	$+15^{\circ}$	$+19^{\circ}$
22/I-06	$+11^{\circ}$	$+21^{\circ}$	$+21^{\circ}$

Пичи палаз

15/I-06	Љукна +5 ⁰	нуназе	жыт +10 ⁰
16/I-06	Љукна +1 ⁰		жыт +10 ⁰ 2 пол эстй
17/I-06	Љукна 0 ⁰	+10 ⁰ луиз	жыт +9 ⁰
18/I-06	Љукна +4 ⁰ +1 ⁰	+10 ⁰	жыт +14 ⁰
19/I	+4 ⁰	+10 ⁰	+9 ⁰
20/I-06	+1 ⁰	+12 ⁰	+9 ⁰
21/I-06	+3 ⁰	+11 ⁰ кылиз +6 ⁰	+9 ⁰
22/I-06	+3 ⁰	+10 ⁰	+10 ⁰

17/I-06 нуназе но эстй баджым палзэ +19⁰ гинэ луиз. Љукна эстыса +15⁰ гинэ луиз вал +19⁰ луиз вал. 6 часозь нуназе эстыса +16⁰ кылиз, луиз. 6 часын нош эстй +20⁰ луиз.

Куазь туэ кезыт улэ. Ми дорын мукет интыын сярсыс –10⁰-лы кезыт улэ кадь. –35⁰ шуыкузы, ми дорын –44⁰ луиз. Пудоосыз 16 январе коргидэ пыртй. 17 январе чөжжэсыз но пыртй, соослэн пьддэссы коргидын но кынмо, пичи-есь раджэсыз ыжпиос но кынмо. 23 ноябре ке но ни вордйськемын. 17 январе баджым палзэ 3 пол эстй. 19 январе, йө вылэ султон баджым гурез эстыса тоторо пыжи. Плитаез но 2 пол эстй. Озы но жыт +20⁰ гынэ луиз. Укноослэн шорзы гынэ шуна, улыз зөк йө кынмиз. Трос эстыны дйсьтоно өвөл, зырдалоз шуыса, тылпулэсь кышкано, Инмар мед утёз ини сыче аджонлэсь. Тылпу кадь ик аджонэз аджиськиз ини. 1931-32 аржэсы. Угось вордэм нылпилэсь люкись-кон но туж секыт. 2 агайёс войнае быризы, атайлы туж веть секыт вал. Солы гынэ өвөл, милемлы но сузержэсылы, мыным но Лукерьялы. «Мед но жуало вал но, пиосы медам быре вал», – шуиз атай.

Љукна 21/I-06

Кырын

23/I-06	Љукна –28 ⁰	нуназе –25 ⁰	жыт –26-29 ⁰
24/I-06	–38-39 ⁰	–32 ⁰	–30-32-34 ⁰
25/I-06	–40 ⁰	–32 ⁰	–30-33 ⁰
26/I	–27, 28 ⁰	–23 ⁰	–22 ⁰

27/І	-20 ⁰	-18 ⁰	-18 ⁰
28/	-16 ⁰	-15 ⁰	-17 ⁰
29/І	-15 ⁰	-12 ⁰	-13 ⁰
30/І	-15 ⁰	-12 ⁰	-18 ⁰
31/І	-12 ⁰	-8 ⁰	-8 ⁰

Коркан бадзым палаз

23/І-06	Љукна +15 ⁰	нуназе +21 ⁰	ЖЫТ +20 ⁰
24/І	+13 ⁰	+19 ⁰	+15 ⁰ +20 ⁰
25/І	+10 ⁰	+16 ⁰	+16 ⁰ +20 ⁰
26/І	+12 ⁰	+16 ⁰	+14 ⁰ +18 ⁰
27/І	+11 ⁰	+16 ⁰	+16 ⁰ +19 ⁰
28/І	+11 ⁰	+18 ⁰	+16 ⁰ +19 ⁰
29/І	+11 ⁰	+14 ⁰	+20 ⁰
30/І	+15 ⁰	+16 ⁰	+19 ⁰
31/І	+16 ⁰	+20 ⁰	+20 ⁰

Пичи палаз

23/І-06	Љукна +5 ⁰	нун. +5 ⁰	ЖЫТ +10 ⁰
24/І	+6 ⁰	+5 ⁰ +11 ⁰	+50 ⁰ +10 ⁰
25/І	+6 ⁰	+1 ⁰ +10 ⁰	+3 ⁰ +10 ⁰
26/І	+3 ⁰	+1 ⁰ +10 ⁰	+4 ⁰ +10 ⁰
27/І	+5 ⁰	+5 ⁰ +12 ⁰	+9 ⁰
28/І	+1 ⁰	+11 ⁰	+11 ⁰
29/І	+1 ⁰	+11 ⁰	+10 ⁰
30/І	+6 ⁰	+1 ⁰	+9 ⁰
31/І	+6 ⁰	+5 ⁰	+

21 январе Эля Ленаен бертыліз. Выжез пылесосэн чылкыттйзы. Кӧня ке пол пу пыртыса кельтйз. Угось быдэс лапас пуэз огнам пыртаса быдтйсько, огнам сомьнда расход карисько. 3000.00 манет, 3200.00 манет туэ 3500.00 манетлы пу вайытй.

22 январе, арня нуналэ Маринаен туклячи потыса пукизы. Нянь пыжись-ко куасам няне гурысь потыз вал ини. Марина нянь пыжыса потэм ини. Мон табере уг дыртйськы ни, ужаны мыноно өвёл, тырмоз дыртыса улыны мал-пасько.

4 феврале апайлэсь арзэ ортчытыны дасясько. Кенешыны потэм Марина, куазь кезыт улэмысь пайме Алнаш пальёсыз отыны. Отёно шуыса кенешимы, лыктэмзы ке луиз, лыктозы, өз ке уз.

24/I-06

Февраль

Кырын

1/II-06	чүкна -8°	-5°	-5°
2/II	-5°	-5°	-10°
3/II	$-36-37^{\circ}$	-15°	-18°
4/II	-34°	-18°	-25°
5/II	-30°	-25°	-19°
6/II	-22°	-13°	-15°
7/II	-29°	-22°	-24°
8/II	-20°	-20°	-22°
9/II	-30°	-24°	-24°
10/II	-26°	-18°	-20°
11/II	$-24-25^{\circ}$		
12/II			
13/II	-8°	-3°	

Коркан Бадзым

1/II-06	$+16^{\circ}$	$+16^{\circ}$	$+21^{\circ}$
2/II	$+16^{\circ}$	$+16^{\circ}$	$+21^{\circ}$
3/II	$+16^{\circ}$	$+16^{\circ}$	$+20^{\circ}$
4/II	$+16^{\circ}$	$+21^{\circ}$	$+20^{\circ}$
5/II	$+20^{\circ}$	$+20^{\circ}$	$+20^{\circ}$

6/II	+15 ⁰	+16 ⁰	+20 ⁰
7/II	+14 ⁰	+19 ⁰	+16 ⁰ +20 ⁰
8/II	+13 ⁰	+16 ⁰	+16 ⁰ +20 ⁰
9/II	+12 ⁰	+16 ⁰	+20 ⁰
10/II	+13 ⁰	+20 ⁰	+

Пичи палаз

1/II-06	+6 ⁰	+11 ⁰	+6 ⁰
2/II	+6 ⁰	+11 ⁰	+10 ⁰
3/II	+4 ⁰		+10 ⁰
4/II	+4 ⁰	+4 ⁰	+10 ⁰
5/II	+6 ⁰	+6 ⁰	+11 ⁰
6/II	+2 ⁰	+2 ⁰	+11 ⁰ +16 ⁰
7/II	+2 ⁰	+1 ⁰ +8 ⁰	+11 ⁰
8/II	+1 ⁰	+1 ⁰ +8 ⁰	+11 ⁰
9/II	0 ⁰	+1 ⁰ +9 ⁰	+6 ⁰ +11 ⁰
10/II	+7 ⁰	+9 ⁰	+
11/II			

4 феврале Леналэн вордйськем нуналыз. Вазьгес потыса, отын пукыса, апайлэн араз потймы. Русланэн Роза но бертйзы бигер арняе. Бергес ик вуимы кисьтонэ, Мариналэн вожез потэмгес ик. Отчы эшшо ик Микон Саня итйське, бер вуэмысьтымы оломар гынэ шуиз. Ӧй вала, сое но зыгыртй, вуд-а? шуыса. Собере Дарья сузэр жок сьӧрын пуке вал, сое но зыгыртй. Дарья но Верка сузерьёс Бади эмеспиен вазьгес ик вуиллям.

Пересьёслы куямез куштйллям, келиськиллям вылэм ини, адямиос трос вал. Мариналэн Саня но Катя сузерьёсыз Агафонэн лыктйллям. Соос кыкназы. Калыкез ӧти ми доры шуыса но, кыдӧкын шуыса лыктэмзы уг поты. Очаен Бызей Тоня гынэ лыктйзы. Эляос доры пыраса Алнашъёсыз, Павилаез, Зояез (Лукерьялэсь) татын кӧлтй. Асьме урамысь Оксинья вуиз Розаен. (Роза вае-мысь туж шумпотэ кудӧмез валгес ини).

12 феврале нош Марина доры мынймы туклячиен. Люба вуиз, Наталья, Варама. Таос куспазы туж валче уло. Варама нуиз, собере Наталья доры но пырамы. Пеймытэн бертймы ини. Озыы апаез кадырлам каризы ёроссы. Марина но умой-умой пөрмытйськем. Перепеч пыжем, курка сйль шыд пöзътэм. Йöлвылын гынэ варог но йöлпыд пунктэм, сиськимы гынэ.

Угось апай мынэсьтым вань скал шудме басьтйз.

<...>

13/II-06

2006 ар. Январь (толшор) толэзь кезыт улйз. –44, 45⁰ вуылйз. Нокытчы потано кадь öй вал. Февраль (тулыспал) толэзь насъкомиз⁸³. Киясае ветлон вань, вань нерге сётон-бастон уксёез бастэм потэ сбербанкысь. Уксё нуналлы быдэ дунтэма. Пичи гынэ пенсиез яке уждунэз будэто но, товарлэн дуныз будэ гынэ.

15 феврале мыноно кариськи, чапак автобус öз мыны, колхоз собрание тупам. Мынй Батё Сашен. Соин ик берто шуыса.

Сбербанкын 55 минут жегай. 2450.00 манет бастй. Книжкаям пе 37.00 манет кылиз на. 1992 арлэн 4000-лэсь (4762.00) трос на, соиз быре ни лэся. Вот ми кыче тыршимы! Борис Оля кемагес больницаын жегалоз кожаса, детской библиотекае пыри, быдзым кен отын ужа, гань-гань кариськи, чай юи. Собере мынй автовокзалэ возманы. Нокин адзись-тодйсь öвöл. 2 часозь пуки. Пор Миша вуиз, со но уг тоды (Сашаен ик мынйз вал со но, Котов но) Ёмка Вова пе бертйсько. Итйськи мон отчы ик, бертймы. Адямилэн мед луоз, адямилэн ке вань – милям но вань, тау, нуись но ваись но сюрюз. Репрессировать карем уксё понна кöня ветлоно луи. Гуртэ кылись öвöл, плитаез эстыса, пудоез тылобурдоез утыса кельтоно. Эсьма азьлоез вунэмын вал ини, азьлозэ берыктэм карытозь, ализэ мед берыктысалзы, таиз асьмелэн ужаса шедьтэм уксёмы вал. Соку апай мынам аресам вылэм 1996 аре.

Со гань-гань нокытчы потатэк пукиз, мон ке бызыйй. Киньлы? муртлы кылиз атайлэн ужам ужёсыз. Кин вала? милесьтым пыдйыламы кыльыса, курадземмес, будэммес, нокин уг вала тазыы ванезлы шумпотйсь вань, тау карисез öвöл.

Эх, атай, атай! нуналлы быдэ тодам лыктйськод. Мае но öд адзы, мае но öм адзе. Мон но тон мында ик адзи. Кин ке кин ке номыр но уг адзы. Кинлы öз тырмы ужам ужёсы!

16/II-06

83 Мукет сямен вераса шундтэктйз, шунит луиз.

Оломалы татияз бёрдэме гынэ потыса улыны кучки. Бёрдйсь адымиез адзыса но ой бёрды ни вал. 24 февралэ 3 час вал-а мар-а? умой ой учкы. Володя вуиз. Липет йылысь лымыез куяз ваньзэ. Виль нива вездеход машина басьтэм. Ураме машинаен пырыны уг луы. Ёмка пала кельтэм. Игорь доры пырам. Роман но Венера но пе доразы. <...>

Жыт 6 часын Володя кошкиз, берзэ учкыса кыли укноетй, пичи сюрес вылтйм бус-бус лымы коласа. Кёты урод луиз, бёрдыса кыли. 79 аресъем нэнээ кельгыса Тйгырмен гуртлэн самой пыдлось сэрегаз. Жаляса кошкиз меда, өз меда? Изыны выдыкум но бёрдыса куараен выдй.

25-26/II-06

Синьёсы лябзизы, оло Алёна понна бёрдыса, оло пересьмыса вакыт вуиз. Эмъян эмъюмьёсы но быризы, нош но проверить 2 мартэ карем потйз. Ижысь лыктыса, компьютер пыр учкизы тазалыкмес, сахарной диабетэд вань кадь шуизы, солэсь но вир сётоно шуыса. 3 мартэ Гирыш Валька кулэм, отчы ветлй, нуназе берозьгес улй. Жыт Пор Сеня вуиз. Прокофей кышно кенак пе кулэм. Арня нуналэ пе ватозы. Розаос бертйзы. 4 мартэ перепеч пёраса сиимы. Валькаез келяны мыныны малпаса улйсько. Игорь вуиз. Кенакез 4 числое субботае ик ватыны малпаллям. Ветлймы Киясае, келямы кенакез. Келясьёс трос вал. Уддядиысь выжыосыз но аслаз нылпиосыз. Келиськыкумы туж шулдыр кырзамы.

Сюрес вылэ потан сюриз но сюриз.

6 мартэ Киясае ветлймы, нылкышно праздник понна. 8 мартэ клубын быдэн четушка магазиньсь басьтыса юимы, кырзамы-верамы.

10 мартэ асьме бадзым школае, песянайёс люкаськимы. Мон Мариналэн песяз, со 3 классын дышетске. Чуланэз утялтйсько вал. Игорь вуиз. Куное пе нуисько, пайми: «Уд тодйськы-а?» – уг шуисько, верась өвёл. Игорь нуиз, адзйським адымиосын, чай юимы. Бертоно кариськи Витя кышно Натальяосын. Игорь доры мынй ке жегало шуыса. Бертыса чулан ужме быдэстй.

11/III-06

Таяз арняе Розаез ой возьма вал. Русланлэн экзаменэз шуэмысьтызы. Русланлэн экзаменэз вылымтэ, бертоно кариськем. Руслан бертыку шуыса, Роза но бертоно кариськем 17 мартэ жыт вуиз. Угось Ёрги соосыз Киясаысь вае, кошкыкузы Киясае келя. 18 мартэ «Тол келян» луоно вал Лутохаын. Нянь пыжонэз арня нунал пыжоно вал. Оло «Тол келянэ» мыныны лөптылыськысалы. Роза бертйз но, нянь пыжоно кариськи субботае, 18 мартэ. Роза лапас вёзысь лымыез ваннаен ураме поттаса, канава кыриз. Жыт телевизор учкы-

са пукыкумы, йыгаськись луиз. Эля Ленаен но Пашаен вуизы. Лена мешо-кен пыриз. «Тодэ мар татын» – шуэ. «Арган дыр» – шуисько. Коробка поттйз, отысь чашаос, чайник, песок тырон, йёл тырон «Сервиз» поттаз. Воксё пайми: мар понна бон шуыса. Юртмес, коркамес пе «Образцовой» кариллям, со понна. Мон дотово шумпотй, мар карыны ик ёрми. Кемалась возьмасько вал ини сыче кузьым. Районлы 75 ар тырмыку ик. Мон районэнымы ог ёз угось. Район кылдэм 1926 арын 4 ноябре. Мон вордйськи 12 декабре. Нэнмы пе Галяен лыткозы «Сервиз» миськыны. Вуизы соос но. Сокеме потыса но быдэн чарка гынэ водка сектай. Пыдул ветлыны шуг, уката Гриша валэн бертылыса вал пыд гуштылэмо. Кудзйса кошкыны уз быгатэ кариськызы.

Арня нуналаз 19 мартэ, корка вёзысь лымыез поттаз Роза, канава карыса. Корка борды трос лымы пуктйз.

20 мартэ, вордйськонэ, Вуж Тйгырменэ ветлымы Ярмук кышно Тоняен Рыбак Саня доры. Арлы 1 пол ветлыны тыршиськомы. Улыны огназ кылиз. Со Окыльна чужапаелэн нылыз. Нылпи өз вайы. 2-тй картэн улйз. Первой кышноез кулйз Витальэн, 2 нылыз но 2 пиез кулизы. Соосыз Саня будэтъяз. Соос гуртазы уг уло. Бертылыса сюранайзэс чаклало, юртто. Пыдъёсыз висё, туж кема курадже ини. Али ожыт йонгес луэм. Золотой ус шуонэн пе эмъяськисько. Синьмыз но одйгез пе катаракта луэм. Инвалид, группае потэм. Уг возьма вылэм, таёе шуг сюресэн, усьыса вёсь луэммылэсь пе кышкасько.

Чукна кынтэмын вал, йөвале, асьме дорысен бадзым ураме мырдэм вуи.

Азьлогес мыныны кенешим вал ини но, весь марке йон сюрис. Чукна автобусэн клуб дорозь нуэ. Бертыны школа автобусэн. Синька доры пыратэк кылёно өвёл. 2 часозь пукимы, автобус гуртэ 4 часын гынэ вуэ кадь шуыса. Дышетскисьёс берто вал ини. Туж дыртыса мыноно луимы. Куазь шунтэм, пыдул кот. Дыртыса мыныса вуимы ик, 5 минут возьмамы на. Туклячи вулы мынэ вал (вузы кынмем). Чай юыны пырыны косэ вал. Бертыны дыртй, ужъёсы вал. Выдыса ял карытэк уг чидаськы.

16 мартысь 17 мартэ потон уй вöтай:

Гиде пыри но, али вордйськем парсьпи потйз. Парсьпиос вань на, пия парсь. Отысь пуны потыса кошкыз. Урмем пуны дыр шуыса, бодыен кокасько. Со адями луиз кадь, ошиськыны турттэ, ошиськы! шуисько. Öz ошиськы, кышкасько мон солэсь капкаез усьтй кызьы но озьы. Люди-и! шуыса кесяськисько. Со ураме потйз, отын көня ке пиосмуртъёс сыло. Собре сайкай.

Вöтаме умойлы луиз: Роза бертйз, кузьым но бертйз. 23-ысь 24 мартэ потон уй. Катинэн (Гирголэн азьло кышноез) турнан инты утчаськомы нюлэскысь. Люкрак-люкрак шашы порма турын. Первой интыысь көня ке пол чогимы, турынэз выдэмын. Азьлане эшшо кошкимы. Мынймы-мынймы но гурт адзиське, Чувашай дыр шуиськомы. Нюлэс пуме вуимы. Зег бусы вуэмын чуж-чуж гынэ, аран дырыз вуэм. Берен кошкыкумы пеймыт луиз. Кыче

ке ю-нянь тырон лапас но вань кадь нюлэс дурын. Муш пыртан инты но вань кадь. (24 мартэ туж жобаз).

25/III-06

Улон-вылон туж трослы воштйськиз. Сьөрлось куноос лыкто ке, быдэс гуртэн юмшатйськомы вал. Табере озьы өвөл ни. Адямиос улон шуг шуо ке но, гуртын 25 легкой машина 10 трактор ини күзё киын. Сюрес вылэ потыса, автобус ке өвөл, всеравно нокин пыдын мынйсь-бертйсь өвөл ни. Эч адями аслаз машинаяз пуктэ.

Ми нылпиосмылы вордйськем нуналгёссэс өм ке карылэ, мукет юндыртьёсын нерад вал. Табере котькуд нылпилэсь но анай-атайлэсь кариськомы. Игорьёс, Эляос, куке-соку Иже мынйськомы яке Розалэн, яке Юлялэн вордйськем нуналазы.

25 мартэ Ёргилэн вал, 26 мартэ Мариналэн. Марина 3 классын дышетске, 9 аресэз тырмиз. Вуыкумы эшгёсыныз жок сьёрын пуко вал ини. Нуназе бере Игорь Романэн Венераез келяса кошкиз. Венера ас вылаз капчи пальто вурем ини. Выжыямы пöронсызгёсмы⁸⁴ өвөл кадь. Пиос ас ужзэс быгато, нылгёс ас ужзэс быгато.

Мон туэ киуж трос уг ужаськы ни. Сингёсы лябзизы, сингёсме утисько кожасько. Азьло кадь мыло-кыдо өвөл ни сүлэм но. Улйсько режимен порма, весь одйг кадь. Ъкна султуса плитае тыл поныса, потйсько ыжгёс дуре, тылобурдо сюдйсько. Пырыса, чай юйсько, собере пичи газет лыдгёсько. Очиен но очкитэк но. Собере арган кутйсько. Жыны яке 1 час пукисько дышетскыса. 21 март 2006 аре потэм газетын.

Букваргёсыз потйзы куамын ныль пол.

Гавриил Федотов вордскем дырысен – 120 ар. Куддырря газетгёсы ваньмыз ик шонер уг гожтйськы. Газетын гожтэмын 1950-тй аргёслэн кутсконысенызы, пенсие потытояз, со вуэ на Симониха школаен кивалтыны. Отын ик йылпумгьяське улонэз но.

Улонэз кытын йылпумгьяськемын уг тодйськы но, Гавриил Федотович 1955-1956 аргёсы Можга педучилищегын дышетйз на милемыз заочно дышеткисгёсыз. Буки -аз, буки -аз. Аз, буки, веди, глаголь, озьы вылэм азьло. 1956 арын ми госэкзамен сдать каримы милемын огиньын пуксем туспуктэммы вань.

29/III-06

84 Пöрмонсызгёс – мукет сямен вераса, быгатымтэос.



Можгалась педучилищын дышетскон арёсы.
Гавриил Федотович аяз паллянысен буре куинетйез. 1956-ти ар. Можга кар.
Никоновъёслэн архивысьтызы.

2 апреле Юлялэн вордйськем нуналыз, 16 аресэз тырмиз кожасько. Ёрги семьяеныз но мон нош ик Ёргилэн машинаеныз ветлймы. <...>

Туклячиен быдэн 2 чарка юимы но кудзймы. Бигер кышноос сяин «Ай исырдым!» – шуисько. Выдыса жыны час изимы. Эля Ёргиен Руланэн, Ленаен базаре кошкызы. Русланлы куртка (ветровка порма), брюки, кайта басьтиллям. Бертылытэк кылемезлы сюлмыз ик чиге кадь (клубе потатэк кыле шол).

Сюлэмме вöсь карытэк улыны тыршисько кадь. Ачим доры лыктйсен вераськонъям но, калтыртыны потыса но, сюлэм вöсь карись сюре. 49 ар Виль урамамы улыса, 49 пол муртёс доры муген öй пота на дыр. <...>

Тани 8 апреле Прокофей кышно кенаклэн 40 уез луоз, яке отчы мыноно луоз. Игорь ке нуиз, мыномы дыр, бензинлы 100.00 манет сётоно луоз. <...>

8 мартэ Гирыш Валькалэн тожо 40 уез луоз дыр шуыса, Пор Анна доры 5 мартэ мынй вераськыны. Маня, Тоня, Катя, Шанго Маня вуизы. Адямиос öвöл дыръя вераськон мытйз. Киясае ветлэм 3 уй көлэм Тания дорын. 3 уй чоже таман монэ судить каризы дыр ини. Виктор ку меда вераськем Таняен? Мон ачим тодйсько, Викторлы корка лэсьтон секыт луэмез. «Манялы куно пыртаны бадзым корка кулэ луиз, бадзым коркаяз куно пыртаса мед луоз ини, кизьме но кутэме уг луы ни» – пе шуоз. Берло верам кылгёсыз Викторлэн меда? Танялэн меда? Табере куно ум пыртаське ни. Берло сюан пыртаме

20 арлэсь кема дыр ни, Шапей Юрик кышнояськыку. Нэнэмылы юрттй-юрттй но зеч кыл интые таће кылъёссэ кылй Прокофей кышно кенак пыр: «Со пе Выль урамаз, аслэсьтыз пöзътэм виназэ юыса улэ дыр». Тйни сомында зеч кыл мыным, вань секытёсылы чидам поннам. Нэнэмылэн йырыз сураскыз но, одйгезлы но нылпиезлы кулэ өз луы ни, мон ик сирота будэм адыми чидано луи. Огиньын улыкумы дядяймы Розаен декретын коть отпускын улоно адымиез колхозэ ужаны поттйз. Турнакумы ял карытэк быдэс 3 л чайникен боры бичаса ваи но: «Отцы гылэттэк⁸⁵ но ветлыны можно вылэм» – шуэ. Трос гылэт нүлдй шол. Картофка, нянь но аръян, сугон шашы. «Вай сугондэ мон но сиё» пе шуиско Абаж Одокей. «Вöйды öвöл дыр, чечыды öвöл дыр!»

Нэнэмы ассэ зеч кариз, сютэм возиз. Мон но öй ветлы ни. Асьме лэсьтэм коркась поттыса лэзиз бере нэнэмы. Нэнэмы ке татын куноын улйз. Мон нянь пыжыкум котьку гуразь шанга пыжылй. Мукет пöрамъёс но пöралляй. «Пöрам арбери ческыт ини, гуразь шанга пöраммы öвöл» – шуэ. Гожъяса быд-тод-а мар-а? Кыззы монэ ултйямзэс, жож каремзэс.

5/IV-06

8 апреле Гирыш Валькалэсь 40 уйзэ каризы. Киясаысь ивор öй тоды. Игорьёс Батё Миша, Сидор Вова нюлэс пе погыръяло, бугро пе чупо. Игорь озы ваньмымтэ дыр. Уж сюрюку, мед ужалоз ини, уксё кулэ. 9 апреле, арня нунал, Анна, Маня (Еремей) пукимы. Ленаен (Элялэн) Нинаен (Сидор) марлы ке пудоез но тылобурдоез гожъяса кошкызы. $3 \text{ ыж} + 5 \text{ ыжпи} = 8 \text{ кузя } 3 \text{ чöж}, 2 \text{ курег} + 1 \text{ атас} = 3$.

Аннаен Маня кошкыкузы гиде пыраллям дыр. Маня берен пырыса вераз: «Бжпи вань, сьöd, тöды йырпыдэсо». Потй но, 2 ыжпиос 1 тöды, 1 сьöd. Сьöd ыжмы уз пия кожасько, векчи. 13 апреле чукна потй но, ыж мукыр-мукыр каре, пи ваемлы кельше. Пыри гиде, учки пиялэ, 1 пиез сьöd, така. Озы пудо семья йылйз: $3 \text{ ыж} + 8 \text{ ыжпи} = 11 \text{ кузя луизы}$.

3 ыжлэн азыло котькугес ик 5 пиоссы луозы вал, бератаз 3, яке 4 ыжпизы луизы. 2003 арын-а мар-а Танялы ыжпи придан сётй. 2004 арын луоз Люда 8 мартэ бекчеен бертылйзы Володяен. Бекче ваё вордоноез нуэмез но кылемез но мед удалтоз пудо шуыса.

Ас поннам гынэ малпасько: Танялэн паез вылэм ик дыр. Люда ыжпи понна бекче нүлдйз, ыжъёсмы кыкто пи вайыны кучкызы. Кылем арын но 6 кузя вордйськызы, 1-ез кулйз. Апай зеч каремме ватйз куняньёс понна бекче өз вайы. Яке соин но скал карыны вырыса калмы быриз. 5 кунянозь, 2,3 кунянозь уло но, арам луо. Берло 2 скалмы гынэ 10 кунянозь улйзы.

16/IV-06

85 Гылэт – Мария Павловналэн верамезъя, “нянь вöзы марке сион луэ ке, сое гылэт шуо”.

Быдзынналлы каллен-каллен пөрмытйськи: 16 апреле лымы быриз, капка азез, азбарез чужылы. Выж-корказез миськылы. 21 апреле Роза бертйз, мунчо эстыса пыри вал. Сразу потыса, съод дйськутёсыз котылыз. 22 апреле мисьтаськиз, кыедэз люказ. 23 апреле, быдзынналэ, пөраны, пуктылыськыны юртйз, юшаны өз поты, кошкон дыр вуоз шуыса. Озы нош чуки-беки пыртай блякез. 24 апреле шур сьорысь Маринаен, Варама, Наталья, 2 Галяос туклячи но кызы ке Мангай Тоняез но поттыны быгатэм.

Оксинья туж Шапей Тонялэн вордйськем нуналаз чортэ вал. Куноосы чаяк өз вуэ, Уддядие мынйськем дыр шуыса, Уддядие быдзынналэ отё вылэм, транспорт өвөл шуиллям лэся.

Тулыс кыстон 2 мае вал. Шай вылэ возьмай Игорьёсыз. 2 часын кошки. 3 часын бертылэм, но мон Гирыш Валькалы келиськон карыны мынй. Туклячи но лыктэм вылэм.

«Удмурт дунне» газет басьтйсько.

11-тй апреле 2006 арын потэмаз, «Утчасько тонэ» Бероми заголовокен статья шуод-а мар-а? потэм. Отын Капеев Платонэз тодэмез потыса гожтэм Вера Лазаревна Бикузина.

«Удмурт дунне» газетэз лыдзыны яратйсько, но йырам трос ик уг кылы. Тодмо адямиос сярсы гожтэмез тунсыко потэ.

Платон Николаевич Капеевез мынам ас синмыным адземе өвөл, кылэме трос. Сое ми Платон кырси шуиськом вал. Пичияк историзэ гожтэме потэ. Мон Кияса ёросысь Нөднюк (Вужгуртын) вордйськемын. Мынам нэнэ асьме гуртысь ик Рыбак Гиргорейлэн нылыз вал. Со вазь кулйз, мон пичи кыли. Рыбак юртамы нэнэлэн пичи сузэрез Окыльна чужапае кылиз. 1947-48 арёсы вераськылыз. Чужапайлэн (Рыбак) сузэрез Апакай бизем Лялие Бачыклы. Бачык кырси шуо вал. Али малпасько, со Бачык Кечтака Васyleй вылэм дыр. Атае чем буре вайылыз Лялиысь Кечтака Васyleез, но өз валэкты кин луэ со, мон но пинял вал бере юаны визьмы өз тырмы, бероми. Бачыкен Апакайлэн нылзы луоз Платонлэн кышноез (нимзэ уг тодйськы, вазь кулэм), соин со милемлы кырси луоз. Солэн вылэм 2 пиосыз, 1-ез Илья нимо, врач вылэм, азылогес кулэм ини. 2-тйезлэсь нимзэ уг тодйськы (Капеев), весь бакчаяз возёз вылэм ужатыса, агроном мед луоз шуыса. 1950 арёслэн кучконоазы со Платон Николаевич (кырсимы) Алнаш ёросысь (черко гурт) Голюшурма спирт пöзтон заводлэн директорез луыса ужам. Али мон улйсько Кияса ёросысь Виль Тйгырмен гуртын. Виль Тйгырменлы ог 3 иськемын Комсомолка пристйнь⁸⁶ шуо вал. Отын нюлэс кораса, Крыкмас шур вылэ пур тырыса, (Крыкмас шур Оч шуре усе) Голюшурмае пу келяло вал ву кузя. Голюшурма сьлйз Оч шур дурын. Платон кырси ужасьёссэ учкыны, чакланы ветлйз луоз (Комсомолкае). Мынам Офнасья апае тожо Виль Тйгырменын улйз бере (90 арес луыса кулйз 2005 арын) Офнасьез адзем потэ шуыса, апай доры адзйськыны пырам. Сыче

визьмо, лякыт вылэм. Варумы выжызэ со утчам. Голюшурма спирт заводлы мынам аслам гужембыт 4 толэсь ёрос пу вандылыса пильылыса 1 метр-емесь артана люкаме вань война вылын 1942 арын. Быдэн 2 куб. м нормамес тырмытъямы. Ми 15-16 аресъем нылгёс Оч вуысь вожмаськыса багорен пу потталлямы. Мон будй Алнаш ёросысь Куздебай гуртын.

Окыльна чужапаелэн пиез Лёгор тожо врачлы дышетскиз. Ильяен эшъяськиллям луоз. Мыным Ильялэсь эшеныз пуксем фотозэ сётйз вал. Татияз мар ке адземме уг тодйськы ни, өз ке ышы ярам.

25/IV-06

Капеев Платон Николаевич, тйледлы чужатай уз луы дыр, чужмурт луэ дыр.

1 майлы Розаос нош бертылйзы, Юляен кыкназы ик, туж трос ужаса кельтэ, дыр ортчемез ум шодйське. 29 апреле Игорь кышно кенлэн вордйськем нуналаз ветлймы, кызы кошкыны өз кенеше. Игорь аслэсьтыз малпамзэ верам, верай шуыса.

9 майлы Розаос өз бертэ. Кошкыны сюлмаськоно. Руслан бертэм. 6 мае вуиз, пу пыртаны. Миконор Романэн пыртазы, Ванязы ог час мында сяна ужаса өз вуы ни. Русланлы 100.00 манет сётй, Романэн Ванялы 150.00 ман.

7 мае Володя семьяеныз, Антон кышноеныз бертылйзы. Вужгуртэ музъем ужпумен отчаме мыноно вал, мон мынытэк кыли. Нимаз куриськон пе гожтоно. 200 манет пе тыроно луоз. Кызы мар луоз ини улон тодйсь-валась өвёл.

<...>

12/V-06

8 мае Лутохае митинге ветлймы 18 аяди пöлысь, 10 гынэ ветлймы. Вужгуртгёсын одйг жöк сёрын пукимы. Лякоп Оксинья монэн ваче пукиз. Галина Павловна эшшо 2 ½ л водка пуктыку, Оксинья быдэс чарка вина поныса сётйз Галина Павловналы, зичы кадь котыраз выре котьку но. Пенсиез öжыт шуыса, нимаз салам но сётэм ини. Табере урамамы самой чылкыт карыса, кузьым мед сётоз кадь потэ дыр, мыным тол келяку сервис сётйллям шол.

9 мае бакчаетй котыртыськи. Собере бакча пуме потй но пайми: бакча вöзын свалка, марке мында ик силё тыремын, со сяна эшшо мар но со жуг-жаг, весь воже потыса, куалекъясь луи. Малпай-малпай но, Оксиньялэн ужез веть та. Мынй дораз юай-верай. Шапей Тоня но пуке вылэм. Озыы жуг-жагеныз кенер карыны малпам. Юри веть куям ини йырыз курен. Весь лушкем öч карыса улэ, чылкытэныз лöптылэмез потэ. 10 мае мынй но мукет палаз куяй.

Отчы көня ке гынэ кенер пуҗ тырме вал. Котькытчы потанэз җоктамез потэ, ачиз весь шонер сюрес утча, милям бакчаеймы гынэ шонер потамаз потэ.

12/V-06

Туэ бусы ужъёсыз вазь быдтйзы лэся. Бакчаосыз вазь гырыны кутскизы. Эляос лыктйзы 15 мае картофка мертймы. Милесьтым бакчамес 20 мае. Нуназеозь но нуназе бере выльйысьтыз бакчаысь жуг-жагзэ октй. Игорь 4 часын нуназе бере вуиз. Машиназэ Роман ваем. Тронин Лёня но Люба, Роман но Венера вуизы. Эля, Ёрги, Руслан но Лена. 2 час куспын гырыса но, мерттыса но быриз. 21 мае җукна куазь төласькиз, лапас улын вал мон, мар ке җыштыр-җаштыр лысыр-лосыр кариз, синь пумтйм төды адзиськиз, азбарын мар ке луиз кожасько. Ураме потй но Орина апайлэн льбмпу ваез 1-ез чигем, электроез 1-зэ чигтэм. Оксиньялэсь Толязэ косьсько электрик доры мыныны, со җырткем. Монэ пе кин кылдйськоз? Мон пе колхозник өвөл. Отчы но мон ик мыноно кариськи, Ирисов Герман доры. «Со отпускын» – шуиз Пикаль Лёня. Ярам Абаж Лёнялы верам, вуиз.

Вожпотэмме верай: Орина апайлэсь бакчазэ асьсэлы каро. Жуг-жагез ке милемлы, урам палтй но дась пасьсэс җоктась. Эдик 5 м пасьталазэ выльдйз, ог 2 м. Петров Саша вильдйз, дась котыртэм пушкын табере <...> 2 бакча возыны умой.

Җукна 29/V-06

27 мае мыным пастух черод вуиз. Муртлы уксё сётытозь, асьмеләнъёслы сётэме потэ. Роза выходнойлы бертйз, Эля но Руслан пудо возьманы мынйзы. Мон нянь, шаньга но варокен куасам пыжыса, 11 часын нуыса мынй. Руслан бертэм вылэм, мон доры ветлыны косэм Роза. Руслан ваське Из гурезь бамалтй, Ёрги Павликен выж палтй лыкто, озы 6 кузя луимы. Ёрги палась Володялэсь машиназэ адзиз, мон ури-бери бертоно луи, гурезь бамалысен пумиськи, монэ шур сёры нуыны бертылэм. Кен Сеня доры тукмач лэсьтыны кылем. Абрамыч Галя кышноезлэсь 20 ар кулэмзэ буре вайыны малпам, бөлякъёссэ, урам ёроссэ отьыса. Шай вылэ ветлймы. Галялэн агай-вын, апай-кырсиосыз лыктйллям. Апыльна апайлэн Людми но Инна, Обран сватлэн Анна туклячиослэн нылпиоссы, эмеспииос, кенъёссы. Озы трос адымиосын адзиськимы. Володя монэ машинаен ик келяса ваиз, 6 ч 30 мин вал ини.

<...>

29/V-06

Туэ гыронэз кизёнэз вазь быдтйзы. Маёвкаез (гырон быдтонэз) 3 июне каризы. Шормучё люкасыкыны пе предмы лэзьымтэ. Предъёс арлы быдэ сяин вошъясько. Ваньзы кисызэс тырмыто дыр.

Туэ асьме Выль ураммылы 50 ар тырмемээ ортчйтймы асьме урамын. Туж ик трос калык өз лыкты. Дыго-могөгес луиз. Оксиньяен мон гынэ дасясыкымы. <...> Пор Левукез ватон нунал тупаз. Кулэм ватон шоры ём учке ни, кин но со тапала потйзы вал ини. Галина Павловна но ётыны тодам өз лыкты. Кулэм келян лыктэм бон вылэм.

«Малы ёд вералэ?» – шуыса жингыртэм. Люда берло вераз: мыным грамота сётыны турттэ вылэм. «Кулэм ватэм бере ортчытом», – шуи вал.

<...>

Май толэзьлы пенси басытон дыръя пызь вузась ветлымтэ. Эляослэн пызьы бырем. Туклячи 10 июне Ёргиез Вужгурт Глорийсы пызь вайыны лэзем машинаен. Руслан руль сёёрын, Ёрги артэ, эшшо Паша незнай кытыназ? <...>

11 июне Романлэн вордйськем нуналаз Игорь бертыса нуиз. Роза, Юля, мон, туклячи, Лена, Паша мынймы Игорен. Руслан атаеныз ужам машинаяз. Бертыкумы Игорь ик келяса ваиз.

12 июне Районной празднике мынэм Ёрги. Русланэз, Розаез, Юлез пе Васи нуоз Иже. Игорь нуэм Киясае, Элез ваем. (Эля заочно мынэмын). <...>

14/VI-06

9 июне Алнашысь Толя вынмы пенсиие потонзэ, 60 арессэ кариз. Ветлймы Ёрги, туклячи, Лена, Паша, мон. Умой-умой кенешытэк, дыго-мого улэмен, Розаен Юля кылизы. Зоя но Толя Володялэн машинаяз мынйзы. Игорьёс өз ветлэ, ужзы трос шуыса. Бертыкумы Янаултй бертыны валэктйллям, ёжытак йыромыса ветлймы. Сюрес юаны, нокрыче но машинаос уг дугдо. Озы но тазы шедьтймы.

14/VI-06

Роза отпускын дыряз бакчаысь турынез турнано кариськиз. 17 июне Игорез но бертыны косй. Бертиз, косилкаен турназ уль ёошкыт интызэ. Бамальёссэ кусоен турназы. 18 июне, арня нуналэ, нуназелэсь азыло убоосыз уримы, 18 июне нуназелэсь азыло пе уроно ке, жаг пе уг поты ни.

18 июне нуназе бере туж шаплы зориз. 19 июне нош ик нуназе бере туж шаплы зориз. Урамтй но, Ёркемей шурлэн ёраз тэрытэк, бакчаеий погылляськыса кошкем. Турнам турын номырлы ярантэм луэм, сюен суро, турнам

бервыл копак колеяос луэмын, котькуд коляетй ву кошкем. Вот тыныд арня нуналэ нуназеозь уриськон! Арня быт турынэз утялтыны өм быгатэ, нуналлы быдэ пичиен ке но зориз. 22-23 июне Эляен Лена но потыса бамалысьсэ турынэз пыртазы.

Арня нунал, 25 июне бусысыс гектарез жутыны ветлйз Роза но. Руслан но юрттйськыны сюре ини кожаса шумпотй вал. Ужатод сое! Со пегзём, Миконор Сашалы жингыртон амалэн.

26/VI-06

Туэ боры туж трос. Мон но 4 пол потай ини бичаны. Ленаен Юля но 2 пол ваизы. Кылем арняе, 1, 2 июле Роза но бертылйз, суббота, 1 июле, кык пол ветлыса 5 л ведраен ваиз. Сузяса пöзтьтйлим. Уй-нунал туж шаплы ортче.

Олёналэн быремезлы тани 3 ар тырмиз, куанер ведь сьод суй улын сисьме ни. Малпаме ик уг луы, туж сюлмы вöсь луэ. Нянь пыжи, шанга но боры куасам нянь. Ачим шай вылэ мыныны дасяськисько вал кадь но, Юляен Ленаэн мынэмзы потйз. Мон кыли, чөжпиосыз кельтыны пичиесь на кадь.

Ужаны но номыр ик ой ужа, боры бичаны но ой мыны. Нуназеозь озытазы бызбылыса ортчиз. Руслан 5 июле Иже кошкыса, 6 июле Чукна бергэм но, картошка вылэ яд пазяны потйз. Со сьöрын но мар, куйгуысь ву жуткаса азылань-берлань ветлй. Дыртыса кошкыз, корка но өз пыра, улийысь жынызэ гынэ пазяз, куазь но зороно кадь кариськыз, но жыт 6 часын гынэ зориз.

7/VIII-06

«Кабанэ шыр пырем ини» – озы шуо вал нылпиос проворгес сию ини ке. Алёналэн бырем нуналызлы нянь пыжи но, 4 нунал сиыса быриз. Лена татын оло быдэс арняез көлаз ини. 9 июле Ленаен Юляез ог час кемагес боры бичаны лэзи. Боры куасам нянез ярато, нош ик нянь пыжыны күлэ. 2-назы азысь жыны бидон бичаса ваизы. 10 июле нянь пыжи. Нуназе бере борыяны потай. 3 л-ем бидон бичай, кема 3 час бичай. Нуназе Лена өз мичкаськы⁸⁷. Изыны выдэм вал ини. Лена вуиз Игорьёс Гондырысь турынзэс ваиллям, Ёргиен Лена юрттыны ветлйллям. Воззэс трос тыриллям бертыкузы турыны куашкам, берен тыроно луиллям. Эляослэн пе пастух черодзы. Эляен Руслан пастухаллям, нош 2 кузя мыныса, 1-зэ азыланьлы пе мынозы. Ужзы ке мынэ, шумпотйсько.

11/VIII-06

87 Мукет сямен вераса, “возьматъяськыны”.

11 июле шур сьоры потай: лавкаысь мар но со басьтылоно. Туклячилэсь мӧзми, мыйнӧ но пастуханы кошкем. Эля нуназеяны выль картошка пӧзьтыны бертэм. Газзы бырем, пурты улазы тылдйськем. Туклячитэк иняз ӧз мыны кема ӧй улы, бертй.

Бакчамес котькытй сюрес каремзы потэ. Борьяны ветлйсьес но бакчаей потаны тыршо, лёгаса. Валькаез адзем Юля, бакчае пырем, бизыса потй на вал но, ӧй адзы ни. Юлез чаляк чортыса, гид пал пумаз куштэм решеткаез тырими. Куазь гудыръяса, зор лыктйз, жальяк кисьтйз. Валька кытй меда бертйз? «Эеч луиз, зор улэ сюриз», – шуиськомы. Туннэ нош шур сьоры потало.

12/VIII-06

Атайлэн сузэрез Одотья апай огназ сяин кылыса улйз, мон сяин. Марпа нылыз Лутоха школаын выж миськись луыса ужаз. Тулыс бакчаосыз огъя тракторен гырылйзы. Гырем бакчаосазы утыр потыса картошка мерттылйзы семьяе адямиос. Одотья апай бакчаз пе потйсько но бӧрдйсько пе. Мынам нылпиосы школьникъес вал, соос бертэм бере дэмен мыныса, мерттылймы. 10 ар ӧже 1968 арысен кутскыса.

Табере мон Одотья апай сяин бӧрдыса улыны кылысько лэся. Бакча бере, Ӗркемей шур сьоры потйсько но, сьолмы вӧсь луэ. <...> Кусо шерем куара кылй вал, 20 июле убо урыкум, гурезь йылэз гынэ турнало дыр кожай. Арня нуналэ, 23 июле Сашаен Юля Ӗркемей шур сьоры потыса, Ӗркемей шур йылтй котыртйськыса, Сарапул сюрес кузя бертйллям. Юля шуэ: «Ӗужанай, шур сьӧрез турналлям». Собере юри потыса учки, сьолмы ӧз чида, турналлям ветй! <...>

14 июле Саша бертйз, огназ. Балезино Володяен Игорь вайыны ветлйзы, Володялэн машинаеныз. Игорь Киясаозь гынэ аслаз мышинаеныз. Машина питранэз пасяскыны сюрем, корка пыратэк кошкиз Сашаез вайыса.

24 июле Юля, Саша, Лена посёлоке ветлйзы. Турын сярись верай, нокрыче ӧз кариське, «мыным легче» – шуиз дыр.

25 июле ӗккна жаг кисьтон сяин нош потй Ӗркемей шуре. <...>

26/VIII-06

Синьмы сярись

Синьмы катаракта луиз. Эмъясько, аптека эмъюме быриз. Саша вуиз но, «Антиокс» винтаминэ синь эмъюм лэсьтйз. 16 июле синьмам капля тырыны кучки. Кызы ке ӗем пе тыроно. Ӗжны часмысь но тырисько, часмысь но, калтыртйсько ке 4-5 часмысь но.

21 июле, пятницае мунчо эстй, синьмам чын пыре. 22 июле синьмы туж шуг луиз, бус пыр гынэ адже, 23 июле но озыи ин.

Саша кужмысь тырыны косэ, ой уг ни тыр, ожыт яке карыто ни шуиско. «Давай, давай» шуэ. Нош понй ини, жыт пал со. Уйлы чечы тыриско. Толон 25 июле нош тыпак луиз. 5 час ой валнагес вал сутэр бичаса пыри, капля нош понй, выдыса но кылли, синьме кынбыса гынэ кыллысалы на Пака туклячи шуэмзэ. 25 июле нош таман чын пыртй синьмам, чукна мунчобын картофка пöзьтыса, чик мурьётйз уг поты чыныз, ваньмыз öсэтйз мунчо пушкы потэ, кызыи но озыи мурьётйз потйз.

Нылъёсыз мунчо шуныт луиз шуыса, йыр'ёссэс миськыны дэмлай, эгыр самовар пуктй. Гольтыресъёс, арня куспын но йырзэс миськемзы потэ. Самоварысь вуэз ведрае кисьтыны турттйсько. Саша сйялоз шуэ. Кастрюле кисьтыса, отысь чайнике поныса, потталызы ини.

Мон 5 арня мунчо пырытэк но улйсько толалтэ, озыи но йирме уг миськискы. 5 арня миськытэк улом-а? шуэ Юля. Арнялы быдэ мунчое пырисском уг!

26/VIII-06

Эх, анай сёлэм, ваньмыз нылпиос одйг кадесъ, котькудзы ке но бертылыса кошко ваньзы бере сёлэм чигыса кыле.

Таки 16 августэ, Тоняен Саша кошкызы туж шимес, мöзмылэс, Юляен ке но кылимы. 8 августэ вуиз вал Тоня. 11 августэ жыт Володя, кен, Люда, Игорь семьяеныз, туклячи Пашаен пукимы, Роза. Субботае но Арня нуналэ турназы Розаен Тоня. Роза чукна вордйськонэ кошкиз. Тоня билет басьтыны школьной автобус Иже мынэм.

Турнам турынэз пичиен-пичиен жутомы шуыса, картофка пумзэ гынэ берыкъяй вал. 16 августэ Романэн Венера вуизы но, улйзэ копаксэ мажсаса жутиим.

17 августэ, туклячи Русланэн потйллям, нош ик Романъёсыз öтимы, живо гынэ вуизы мотикен. Чай юлыса потыса, 2 чумолёёсыз 2 носилкаен пыртаса жутказы, мон мажсаны выри, туж жади, чик мөче öвöл ни, чукна гур эстыса нянь пыжи, шанга но яблök пирогъёс. Чумолёёсыз но 2 час люкамы, пыртанзэ но 2 час пыртазы.

Турынмы нюрмытгес жутиьскиз, куазь зоремлэсь но кышкано. Арня дырозь 20 числоозь кызыи ке озыи оло асьме понна ик пумаз вуттомы кожай вал.

28/VIII-06

Картофкаез туэ вазь мерттыны быгатймы, октыны но вазь октймы. 26 но 27 августъёсы, куазь зорылйз, дыртыса пыргано луимы. Вылйсьсэ 29 августэ октыны потй но, туклячи вуиз. Руслан но Лена но. Нуназеозь быдтймы.

28 августэ Киясае флюорографии мыныны шуыса, шур съёры потй. Автобус пе уг мыны, Кияса палан сюрес шуг шуыса. Лавкаын пукыса берен бертймы.

Володя бертэм, мунчо муръёез тупатыны. Иззэ октэм, туж пырдэм, соин ик чын поттэм. Виль из тыриз, умой луиз. 29 августэ, жыт така вандйз.

30 августэ Эляослы картофка октй.

31 августэ жыт Люда вуиз, чуказе пе Киясае нуомы, Еремей Маня туклячизэ но. Милемыз, пересъёсыз, утялтыны басьтйське Кияса пыр. 31 августэ ветлймы Гриша машинаеныз нудйз.

31 августэ Лена лыктйз, отен кагаз ваиз. 1 сентябре школае отиллям. Уг мыны дыр шуыса кыли вал. Малпай-малпай но, удмурт дйсьяськыса мыноно кариськи.

Туж умой пумитазы. Классной час порма ортчйтйзы. Начальной классын кӧня ке вераськи. 9 аресысен ужаны кучки колхозын, коть оскозы, коть уз оске.

Собере Маёвка карон интые, шашлык сиыны ветлймы. Жыт Розаен Юлия бертйзы. 2 сентябре вож кылем картофкаез нуназеозь октймы. Бадзымесь будйллям но, уз сисьме-а мар-а.

3 сентябре Роза нош марке мында съӧдъёсме миськыса кельтйз.

Мӧзмыт кылиз огнам. Нокытчы пырон инты уг шедьтйськы. Толон, 5 сентябре потай вал шур съёры, патер ой шедьты, туклячи дораз ӧвӧл. Павлик клуб палан пуке, юай «Галя апос дорын» Кин Галя? «Прокофей Галя апайлы картофка октэ». Собере бертй. Тани туннэ нокытчы ой ветлы. Туж мӧзмыт!

Ужъёс но вань, ужаны мылы уг поты. Уг но ужаськы, тэк но уг пукиськы.

6/IX-06

8 сентябре нунал лумбыт зориз. Ӧч карем кадь. Людаен Гриша мон понна пастухе ветлйзы. 2 полэзлы азьланезлы но. Бигер арня нунал. Мунчоез пӧсьгес ик мед луоз шуыса эстй, Людаен Гриша зор улын кынмемзэс мед шунтозы шуыса. Гриша ӧз лыкты. Люда огназ ветлйз. Пурты тырос пӧсь ву кылиз. 9 сентябре кӧс нуналэ, кӧня ке зустариосме миськыса, мунчо борддоръёсыз миськи. Со куспын Лена вуиз, выжзэ миськиз, кыкнамы чай юимы. Со но лыктэ ке мӧззем сӧлэм буйга, угось мон соослэсь но мӧзмисько, адземе ке кема луэ.

9/IX-06

23 сентябре «Играй гармонь» каризы Лутохаын. Дорысь вазьгес ик потй, автобус лыктоз дыр шуыса. Урамысен Баян бигерен чош луимы. Абаж Поле палан кема гынэ транспорт возьмаса пукимы. Баян склад пала кошкиз, мон пукыса ик кыли. Машина вуиз, Ёрги Михайлович кладовщик доры. Собрере монэ но пуктыса Лутохае нуиз, со вискин автобус но вуиз. Вужгуртысь Яша огназ вылэм, ми гуртысь нокин но пуксьымтэ.

Вужгурт кышноос пумитаны (куно) дасяськиллям. Машинаысь гынэ васьки но, монэ кырзаса пумитазы. Аля тыр нянь сётйз чүшконэн, куно карыса, чай сектазы столовой палан. Кема өм улэ, мынймы вуж школа интые. 2006 арын 8 феврале кучкыса дышетски арган шудыны. Уг көбера⁸⁸ кожей вал но, көберайгес ик, сураськи кадь. Кырзаса шудыку сурано, кырзатэк капчигес. Собрере жук сиймы. Предмы, Агичев, кайта пе баянэн шудыны дышетскы (мыскыллям кадь потйз). «Арганэн но сураськисько али» – шуи. Нош ик «Диплом» сётйзы. Галина Павловна сяська букет сётйз.

6 октябре, пятницае, Лутоха школалэн кылдэмезлы 100 ар тырмон праздник ортчйтйзы. Вазьгес ик потыса уло шуыса дйсьяськисько вал ини. Гриша вуиз, Эля жингыртэм, 12 часлы автобус вуоз шуыса. Өз вуы автобус, сый-сый возьмаса. Шкляев Алёша бертйз, Аля апаез доры кошкиз, пуктйз ке, соин мыно ини шуыса сыйсько. Петялэн Розаеныз, Дрон Инна вуизы. Абажкинэн пе базарысь бертймы, соин ик пе мыномы. Мон но тэри, мынймы. Чэпак дышетйсьёс удмурт дйсьяськыса, ваньзы юг тоды азыкшетьёсын Киясаысь лыктйсь куноосыз пумитано вылысь. Тэркыен перепечен куноятыса ветло. Пор Вова но лыктэм. Умой шулдыр ортчиз торжественной люкетэз. Милемлы, пересь дышетйсьёслы быдэн кышет кузьмазы, синь-пель.

Собрере столовое васькыса, жок сёры пуксьылймы, шампан усьязы, сиськимы. Пиос тоды винаен но сектаськызы. Кырзаньёс кырзамы.

Лутохаысь Галина Николаевна туж бордам кариське. Дораз ас вөзаз пуксьыны отиз жок сёры, мынэсьтым пе мөзмисько. Мынэсьтым но мөзмись вань вылэм шуыса, шумпотйсько.

Тронин кышно, туклячие нокытчы ветлыны уг быгаты ни, жок вылысь 4 шоколад канфет басьтй, Эля аслым басьтйсько кожаса лэся, нэнэ мар тон? шуэ. Туклячилиы школа салам шуисько сето кенлы. Собрере мыным аслым Людмила Евдокимовна канфет сётйз.

Бертймы Шкляевен ик, Аля нош ик мон понна сълмаськиз, Борис Оля эшшо пуксиз.

7 октябре сйзыл кисьтонэз каримы. Роза но Юляен бертылйзы. Розаен шай вылэ мыныкумы, Володяен кен шай вылын, Абрам сватёслэсь вылзэс утялто вал ини.

Алёна но Виктор доры ветлыса, Борис Коля, апай, пересьёс дортй кошкимы. Эляос доры пыримы, Володяос нош трос яблоск ваиллям.

88 Көбераны – зуч сямен “1. постесняться, стесняться, постыдиться; 2. побояться, бояться”.

Доре бертыса, номыр сион өм каре ни пöрамъёс сяна.

Газ пыртон сярсы вераськи, яке кема улоно луоз на. «Пыртуса эн выры ни, ми доры гынэ мыныса улод», – өз шуы кен. «Роза пенсие потйз ке, бертыса улос, газ плита пичи палаз пуктоды», – шуиз кен. Тини озыы, аслыд ачид оскыса ул, аслад визьмылды, сокем оско на мыным. Игорь уг ик бертылы ни. Эля но уг бертылы, одйг гуртын но.

10/X-06

20 октябре Роза бертылйз, вазь вуиз, куриськыса ик бертэм, мисьтаськыны шуыса. Öч карем кадь 20-21-е потон уй зол кынтйз, –12⁰. Мисьтаськем гылянэз шуг луиз. Гужем труба кынмиз. 23 октябре –12⁰ луиз.

Котовъёс пу басьтйллям. Доразы мыныса юай, 4500.00 манет, кызьпу пу ваньмыз вандылэмын, вайыны косй.

25 октябре шур сьöры потй, лавкае пыри, мар но со басьтыны. Лина чорыг басьтыны дэмла. Мон шуисько: «Пу басьтыны уксё кулэ, колхозысь тысь басьтоно». Со шуз: «Мишаос, Игорьъёс но пу вузало, пужым йылъёс, 3000.00 манетэн гынэ». Воже потйз Игорь номыр но уг вера шуыса. Туклячи дуно ке но лучше кызьпу ик басьтыны дэмлаз.

Жыт Люда вуиз, йöл ваем, фураж нуиз 15 л ведраен, со но дэмлаз вандэм пузэ ик басьтыны. Пока урамамы пырыны луэ, ваёно.

26/X-06

Пу ваизы 1 арня ортчыса, 31 октябре пеймытэн. Кыи капчи мед луоз шуыса, ачим кучки пильылыны. 3-тй нуналаз Гриша огшاپ пильылйз, 1 час 40 мин ужам.

Пятницае Розаен Юля вуизы 3ноябре. Жыт Пашалэн вордйськем нуналаз потамы. 4 ноябре, кös нуналэ, 2 чöж вандймы, кылем дырзэ Роза пу пильылйз, ми люкамы. Руслан но нуназе бере потыса пильылйз. Арня нуналэ, 5 ноябре нош Розаен Руслан пильылйзы. Розаослы кошкыны Ёрги сюлмаськем. Камаз машинаен пе кошкозы. Эля вераны потыса, Русланэн кыкназы трос гынэ пильылйзы. Нэнэез вöзын Руслан но сюлмо ужаз. «Ноябрь толэзьлы пенсиме басьтй ке уксё сёто», – шуисько. 6 ноябре куазь сачыра вал. 7 ноябре люкаса быдтй.

8/XI-06

Малпамтэ шорысь 17 ноябре нош ик Киясае куное ветлй. Район кылдэмлы 80 ар. Мыным но сомында ик луэ ини. Кыре-буре потано ке, трос гынэ тодмосыз аджоно, тодмотэмзэ тодмано. Лукерьялэн Мишаез но мынэм, адзиськем кема вал ини. Тодмо муртъёс туж капчи вазисько.

Вераськонтьёс бырем бере концерт возьматйзы. Зуч, удмурт, бигер, пор нациос. Пичиос туп кадь тэтчало. Концерт туж кельшиз. Собере спортивной залэ люкаськыса, сиимы-юимы, шулдыръяськимы, котькуд сельсоветлэн аслаз нимаз жөкез. Пуконтьёс өвёл, сылыса ик сиимы-юимы. Мынон-бертон бесплатно. 18 ноябре Руслан бертэм дыр шуыса, Эляос доры потй. Пудо люктан посудае вия, сое тупатоно шуыса. Отчы Люда но чечы поттыса вуиз. Туклячи быдэн чарка вина понйз. Огшاپ пукем бере Володя пыриз, бертоз шуыса ой ик малпа вал. Роза пу пильбылон трос кылиз шуыса скулмаськем, соин бертэм. 1-зэ ыжпиез вандытй. 11-12 пуклées пу кылиз на вал сое пильбылиз, ыж люктан тусез но тупатйз. 19 ноябре Бизей Тоня доры потамы. Вордйськем нуналзэ кариз. Трос сион пöрам. Огвыллемесь пересьёс люкаськимы.

Вордэм нылпиосыз өвёл, Раяез öтыса но лыктымтэ. Кенэз ½ л винаен, чечыен вуиз. Собере Раялэн Оляез чайник кузьымен вуиз, чайниксы чай парыны вылымтэ. Оксиньяен дорамы вуытозь куазь жомал луиз, куазь кезьдэктйз. Уин –20° луэм. Чукна –22° вал кадь. Плитаез öжитгес эстйськем, нунал лумбыт кынмыса улйсько ини. Куанер чөжъёс кыче кынмо. 14 кузя али ван-доноез. Огнам чик уг поты вандэме, ышкеме.

20/XI-06

Туннэ куазь кезьдэктйз, 1 декабрьысен кучкыса. 19 декабрёзь куазь шунит улйз, усем лымыез быдтйз, йöвалег луиз. Каллен толмоз дыр ини. Сйль вияз, шуназ.

Куазь шундыё, шулдыр, огнам пукисько, марке туж көт урод луыса кошкиз. Калыкен улэм пумысь дыр. Толон 19 числое клубе öтчаме потыса, калыкен огиньын пуки. 18 числое нуназеозь Оксиньяен пукимы.

17 числое, арня нуналэ, Алнаш куноосмес келямы, Маринаос доры потай.

16 декабре вордйськем нуналме, 80 аресме данъямы. Трос куноос ветлызы. Сьöръёс 22 кузя вал, гуртоос – 19 кузя асьме семьяез но нуныкъёсыз лыдзытэк. Кенъёс, нылъёс сион пöраны юртызы. Жöк выл пуктыны. Жöк вылъёс туж чебересь вал. Аслым шулдыр потйз. Мариналэн семьяезлы но кельшем, шулдыр вал шуо. Эшшо вань лыктэм потйсьёс öз лыктэ «Вужгурт кырзась-верасьёс».

12 декабре, вордйськем нуналам, шур сьöры потй вал. Санюк тодэ бере вордйськем нуналме, нуналаз лыктоно кариськем. Оксинья дорын бертэмме

возьмаса пукем. Бертй гынэ но, соос вуизы. Дэремлы басма ваем. Мар но со сион кари, самовар пуктй, озы пукумы. Жыт Володя семьяеныз вуиз, Анюта но лыктэм, Эляосыз поттйз Володя. Нош соосын жок котыр пукумы. Собрере ваньзы кошкызы.

13/XII-06

Розаен Юляез возьмай 29 декабре, вуизы 30 декабре. Бигер арня нуналэ мунчо эстыса мисьтаськи. Кос нуналэ дйськутме миськыкум вуизы, пырыса чай юыса, Роза посэм дйськутьёсме гылгяз. Юляен дорожкаосыз курткизы, собрере выжъёсыз миськиз Роза.

31 декабре, арня нуналэ, нуназе перепеч пыжыса сиимы. Лена бергес лыктйз, семьязы бз поты перепеч сиыны.

2007 ар

Жыт 9,5 часын выдй, уйшоре султон вылысь. Роза пукиз уйшорез возьмаса. Изи но ой но султы. 6-тй каналысь Роза шедьтэм Удмуртияысь вераськись эчкыласьёсыз, султй, кылдиськи, тау кари. Игорь Семёнов зуч сяин но, удмурт сяин но эчкылаз Виль арен, собрере Волков эчкыласа чарказэ кутйз. Ойдо Роза асьмеос но шукком, жок вылын пересьёс понна пуктэм чарка горд винаез мон кутй, Роза шулэсь лэсьтэм вуме гынэ ваче шукким но юим. Москваез ом возьмалэ ни, изыны выдйм. 1 январе, 2007 аре нуназе, куноос потйзы, туклячи. 2 Галяос, Оксиньяез отимы, Педора Маня вуиз, собрере Оксинья доры мыныса пукумы.

2 январе, нуназе, табань сиимы, жыт Тимофей Петяос доры ветлй. Аннука апайлы кунян йыр-пыд сётйзы. Туж капчи пумитазы монэ. Лена вераз вал мыноно шуыса. Юля татын дыръя нуналлы быдэ ветлэ. Огнам кылъыку, Лена но уг лыкты, Руслан но каникулын, уг лыкты, мөзмон дыръям. Весь мынйсь-ко ке, Ёргилэсь кепыр ваисько, али со дораз, отпускын.

3 январе Розаосыз келяса потай.

4 январе, нуназе, Оксиньяен, Шапей Тоня лыктйзы, собрере Педора Маня вуиз, мөзмыса улонъям.

Туннэ тани 5 январь, Тонялэн вордйськем нуналыз, огнам. Шуд, тазалык, улоназ но ужаз солы азинлык, гожтэт но лэзыны вунэтй. Розалы вераса лэзи, телефонэн мон нимын но эч кылгёс вераса мед лэзёзы. Володяен Игорьлэн но тодазы уз лыкты-а мар-а? эчкыланы, 49 аресэз тырме. Нылпиос но пересьмо ини.

5/I-07

7 январе 10 часын Руслан вуиз, пайми: кызы уг изы шуыса. Туала пинальёс веть чукнаозь калго но, нуналзэс изыса ортчыто. Уддядие пе мыныны дасясько семьязы. Гур быремын, нянь тырыны дасяськисько, 1 час пыже, возьманы косй. Потй шур съöre 11,5 часын кошкымы Уддядие, Зояоз доры. Гурзы жуа, Толя мылым пыже, Зоялэн кускыз-а, сюрлыэз-а пыктэм. Паша пизы но доразы, каникулэ бертэм, бадзым будэм, пайми. Нылпи будэ, ми пересьмиськом.

Жок вылэ милыым но, перепеч но, тоторо вуиз. Зоя доры ку эн мыны, котьку сионэз дась. Пукимы, вераськымы, адзиськымы гань-гань. Доразы ой пыра ни Эляослэн, пеймыт луиз. Салам винаме пичиен-пичиен Вужгуртысь лыктэм куноослы веръятяй (Миконор Аля доры лыктйллям, Педора Маняос доры пыраса, Людаос доры лыктйзы) чортйсько вал дорамы, соглаш өз луэ. Со пинал кышноос кадь кариськыса мон но 80 арес песяй, эктй. 7,5 часын бертыса, пудоосыз утяттй.

8 январе Педора Маня доры мынй (огнам мөзмисько). Маня дораз өвөл, пирожкизэс сиыса, Миконор Аля съöры мынй, Алёнальсь фотоосэз учкылыны (учкисько ке, уката кöты урод луэ). Аля дорын пукон вискам Лена öтгыны ветлэм. Мирон Ильяос лыктйллям, монэ шедьтымтэ. Бертыса, пудосыз сюдыса-люктаса, чогаськыса пырьсько вал ини, Ёрги машинаен вуэм монэ потгыны. Потй, адзиськи Нöднюкёсын.

Кошкызы дыртыса, кунян пе сюдоно. Собере Кондраш Галя доры мыныса пукимы.

Туклячи туж бöрдэ <...>

10 январе Киясае ветлймы. Коркаосамы газ пыртыны дасяськиськомы: Еремей Маня, Прокофей Галя но мон, документёс дасяно, субсидия басьтыны, кöня ке потоз шуо. Милемыз Гриша нулдэ, ми кытчы пырыны ик ум валаське.

Куазь мыдланьяське но мыдланьяське. Зорыса, шунтыса улэ, сйльёсмес кызы возыны паймымы ини, сылалтй но, лымыен но кари ини +2⁰ улэ, вот тыныд тол-шор, Виль ар вылез но вужез но.

13 январе Володя бертылйз: корка пушгёсыз мертаз, газ пыртыны проект лэстыны. Ветылзэс вандйллям, тожо сйльзэс мар карыны ёрмиллям ини. 1 ыжез пиеныз лэзи, мед вордозы. Гужем виль шыд сием потон вань. Ыжпиос ке вань, вандыса виль шыд сииськод.

15/1-07

23 январе нош ветлймы Киясае, документёс вуизы. Кылймы, Ефрем Юрик пе кулэм.

Ураме, кот интые, дэрие. Нош ик туклячили поръян-берган луиз. Ча-

ляк сюримтэ, 3 нунал кыллем. 19 январе ышем. 24 январе ватйзы, азь-бер ортчытйз туклячи. Эля дышетскыны мынэмын, яра кык Галяос юрттйзы. Юриклэн Сальялась Нина кышноез но вазь вуэм, юрттйз. Куазь кезьдэктйз 23 январе уин -20° , 24 уин -30° . 20 январе Венералэн вордйськем нуналаз ветлймы. Жыт эшшо пиналгёслы нимаз жыт карыны малпазы.

<...>

31/I-07

3 феврале Эля бертйз. Леналэсь 4 феврале вордйськем нуналзэ каримы. Игорьлэн пе машинаез уг ветлы, Ёрги мыныса ваиз семьязэ. Игорь пе висе, сьолмы шуг луиз. Оломар висён етыса, кулэмзылэсь кышкасько, ачим ик азьло мед кошко, мынам черодэ. Татысен ик Романэн Венераез Киясае келяз Ёрги.

11 феврале Элялэсь вордйськем нуналзэ каризы. Игорь ас машинаеныз Романтэк, Венератэк ветлйзы, соос Руслан но өз бертгылы.

<...>

13/II-07

24 феврале Прокофей кышно кенаклэн, Валькалэн арез, Ефрем Юриклэн 40 уез. Ёргилэн машинаез өз заводитйтйськы. Мынй Валькалэн кисьтон араз. Отысь бертылыса, Ефрем Юриклэн 40 уяз. Адямиос люкаськизы. Вужгуртысь Тонязы но Юрик, Алёша пизы ветлйзы, кема өз жегалэ. Оксиньяез келяса Патан Тоняен Оча ваизы, собере татчы пырыса өжыт пукизы.

2 мартэ Розаен Юлия бертйзы. 3 мартэ нуназе табань сиыны Володя но вуиз. Туж чебер люстра ваем. Лапас йылысь но гараж йылысь лымыез куязы Розаен Володя.

Игорь бертылэмысь дугдйз шуэмлы, Володя секыт вераз. Игорьлэн тазалыкез пе өвёл, котькытйыз висе пе. Роза тодыса но өз вера вал. Мынам сьолмы шуг табере.

Руслан бертымтэ, 3 мартэ пе экзамен сётоно. <...>

7/III-07

<...>

7 мартэ Вуж Тйгырменысь пересь кырзасьёс (чебер апайёс) клубе ветлйзы концертэн сьобразы 5 кузя пинал пиос но нимазы кырзасьёс. <...>

Лена клубе вуыса, мынэсьтым корка ключме курыса кошкиз. Эля, Лена, Павлик дорын көлйзы, туклячи ваче капказе кошкем, оло изем, оло өвёл дыр.

Мон но туж пичи изи. Уйшор бере 1 часын берти, ӧжыт изыса сайкай, оломалы, оло Павлик кызэмысь (туж зол кызэ) умме усьыны ик ӧй быгаты ни. 6 часын ӗукна султй, нянь пыжоно, гур эстоно пӧрано. 8 мартэ Марианосыз ыжпи бекчеен потыны косй нуназелы. Нуназелы ӧз вуэ, беромизы, туклячиен Кондр Галя вакытаз вуизы. Эля дораз потатэк ик нунал лумбыт мыным сион-юон пуктйськон кариз.

Бекче юимы, туж трос ик ӧм люкаське собыр ортчиз ваньмыз.

2 апреле Юлялэн вордйськем нуналаз ветлыны ӧм быгатэ, вордйськон нуналэ тупаз. 8 апреле бадӗым нунал вал. Розаосыз бертыны ӧй косы, сюрес понна уксӧ трос быре. Лена юрттйз чылкыттйськыны.

Плита зводӗёсыз сузяса, мурӗёез буяй, выжез пась интыоссӧ гынэ кот мучолоен ӗушылай. Пичи палзэ но корказез Лена миськиз. Ӗжыт эшшо Эля вуиз на, базаре мыныны турттӧ. Мыным но мар но со басьтоно дыр шуыса, 130 манет уксӧ сӧтыса лэзи, чорыг но колбаса басьтыны. Ӗӧкез бадӗым пуктйськымы Ленаен, юмшась бӧлякмы трос ӧй вал. Арня берзэ арнябыт калтыртймы.

13 апреле Роза Юляен бертизы. Корка пушез чылкыттыса, кырысь нош мар но со сузяса кельтиз. Туэ Мёл⁸⁹ туж бадӗым луымтэ, ӧй адӗзы. Ӗркемей шур но ӧз куашеты. 4-5 апреле ӧжыт бакчае пыриз лымы вылтй. Туннэ тани 16 апрель ини, мунчо берын гынэ на лымы, уйзӧ куазь кынтйз, азбар дэри на.

16/IV-07

Туннэ 13 май, инкуазез адӗзыса котыртйськи. Тонялы гожтэт сӧтй Алялы, собере Ирис Коля бакча вӧзтй потыса, бакча берӗёстй кошки. <...>

Ӗркемей шур сӧры потыса, гурезь йылэ туби. Пичи пужымӗёслӧсь эмӗ-юмлы бичаса берти.

Туннэ арня нунал, огнам, кырын тӧло. Урамын курегӗёс но ӗазегӗёс гынэ. Котыр вожектэ, льӧмпу сяська ӧвӧл на.

Роза таяз арняе ӧз берты. Тазалыксы ке умой ярам. Сюреслы трос уксӧ быре, асьме гуртысь посӧлокозь сюрес но туж шуг.

Туэ 9 май вормон нуналэз умой пусйыны выризы. Лутохаын но куно каризы, сӧбрамы но салам сӧтйзы. Куазь умой тупаз.

13/V-07

Кылем арнялы 26-27 майлы Роза бертиз. 26 мае картошка мерттймы, убоос лӧсьтймы. Бакча туж комоко. Комокӗёссӧс пыргытыса кал быриз. Роза кешыр кизиз, гордкушман мерттиз, мон сима мертти. Май кучкыку зориз-зориз но дугдйз.

89 Миёл – шур ним.

27 мае Володя вуиз, муръёез сузяны косй, муръё йылысь кирпичёссэ умой тыриз. Эля но бертйз, Володялы суй но кирпич сётъяны юрттйзы Розаен.

Роза азьло ик уж дасяса бертэ. 27 мае трочинь нунал, адямиос праздник каризы, ми өм ваньме. «Ноку но уж уг быры, адями сяин ноку но ял кароно өвёл» – шуэ Роза. Муръёез тупатытэк ноказыны но өз луы ни, чын поттйз, эшшо кин тодэ тылпу потысалыз, муръё йыл туж алама луэм.

Урамын 3 чур артана тыремын вал. 1 чурзэ пыртай вал ини. Роза пыртайны өз лэззы ни вал. Людалэсь пичи уробозэ курыса, пыртано кариськи. 2-тй чурзэ пыртаса ой быдты на вал. Галяен Галина Павловна чылкытлыкез учкыса ветло вылэм. Адзйзы, пыртасько ини шуыса. 3-тй чурзэ өжыт пыртай вал ини. Лена вуиз, кыкнамы урамын. Ваньзэ өм быдтэ. Мон жади, сьлмы чүштаське. Кылемзэ 5 пыртай вал ини. Лена вуиз 1 июне пятницае. 4-5 пол пыртыса вуиз но Руслан вуиз. Озы 11 часозь быдтймы. Мукет дыръя бертыкуз, Роза но ганякгес мед кариськоз. Нылпиосы Паша но вуиз вал, кунояськытэк но кошкызы. Нуназе куазь уродъяськоз, йө зороз, зол төл потоз, коркась потано өвёл шуизы но нылпиосы дыбыртыса кошкызы. Трос өз зоры, төлаз но, изъян өз луы, куазь салкымаз +30° кылиз +15°.

<...>

1/VI-07

Туннэ арня нунал, потай Эляос доры. Эля кошкиз заочно дышетскыны. Руслан ужаны шуом ини. Игорь машинаен лыктыса нуиз, аслаз но Романэн Венераен кошко. Паша бёрдыса кылиз. Уляське анаез сьёры. Лйятймы день рождение мыном шуыса.

Бертй, кёты марлы ке урод. Корка но туж шулдыр, люгыт, оген мөзмыт.

Будка укноез кин ке сьрем. Милициез кин ке өтем. <...>

3/VI-07

Куазь туэ тол кучкыса ик мыдланьяське. Декабре-январе зорыса улийз. Май толэзе +36° вуиз, нылпиос пыласькызы.

1 июньлы кияр удэ мерттыны вуиз вал, куазь кезьдэктйз. Коть коркан возь, коть мертты (кузь кук луиз) убое мерттй 4 июне куазь кынтоз шуиз телевизор. Шобыръяй зустариосын, озы ик, чүкна султй, температур 0°, гуждор вылын пужмер. Усьяй 11 часын 5 июне. Куазь төло, кезьыт.

Чөжпиос потйзы мйы чөжлэн, 2-3 июне. 5 июне каразы поттй, анай вөзы мед дышозы. Анайзы первой уродъяськиз, али каллен дыше кадь ини. Бурд улаз пыризы ке, шуналозы.

5/VI-07

6 иуне медпункт усьтоно кариськизы. Клубез люкизы. Оптимизация каро, пичи расходэн улоно мед луоз шуыса. Кызы луоз ини? Жök пуктйзы, кин мар быгатэ ваизы, юон но. Мон 1 буханка нянь гынэ понй жök вылэ, юонэн ой выры, ачим но ой юы, туж изжогаен курадзисько.

Ёрги но мар ке сяин ваньмем, капчиям, бертылыса арганэн вуиз, начальникёс кошкем бере. Велйзы: Каримов Рауф Мухаметович депутатмы, Максимов Александр Вячеславович, Тамара Егоровна Васильева, редакциысь Красноперовазы-а мар-а? Эшшо 1 пиосмурт. Мон арган кури, гожтймы шуиз Максимов. Редакциысь лыктэм юалляськиз, ку кучки арган шудыны.

Пуконъямы Шапей Тоняен но туклячиен, туклячи мыдланьяськыны турттэмзэ вераз. Но ми алымы. Озы умой уз луы шуыса. Туж бёрдэ, капчиямез вань.

7 иуне чукна нош потй чакланы. Першал Галялэс валериан бастй, туклячи но вуиз. Со эшшо нимзэ вунэтй чай бастйз. Собере доразы мынймы. <...>

8/VI-07

Роза 23-24 июнылы бертылыкуз гурезь бамез турнаса кельтйз. Куазь пось кариськиз, турын чебер жутйськиськиз. Собере 30 июнь 1 июль, Эляен кыкназы бакчаез пыдэссэ турназы. Куазь зорыны кучкиз но кучкиз. Арня пумын 6-7 июле пось кариськиз +36°. Чумолёосыз берен сэртгыса но кылемзэ мажсаса 3 чумолё жутймы.

Арня нунал 8 июле Ёрги Патан Петяен но Сергеез вайыса нуизы. Руслан но бертэм, всётаки сюриз ужаны.

8/VII-07

Шулдыр, шунит гужем ортчиз, вуиз сйзыл. 14 сентябре Роза, Юля бертыса, трос мисьтаськыса кельтйзы. Куазь зориз. Игорьлы но умой өз луы. Корка вöзас итэт пе пуктэ. Роман пиез бертэм липиськыны кызы-мар ужаны быгатйзы ини зоремен, тодэм öвл. Руслан но бертылиз, дэмен лöдйськомы ини. <...>

Гужемзэ уль вал семьяен, оgez бёрсы мукетыз бертыса ульзы. Тоня бертйз, соин чöш Роза пастухе бертйз. Юля азьлогес бертыса ульз. Собере Тоня но Роза кошкем бере, Маша 1 арнязе Юляен ульзы. 1 арнязэ Маша монэн гынэ ульз, мöзмиз лэся. 6 сентябре кошкиз. Волгодонске пе. Бертыса Розаен Тоня туж трос ужаса кельтйзы, <...>.

<...>

15 сентябре Люда 50 арессэ клубын кариз. 16 сентябре нуназе кылем си-

он-юонъёс дуре нош ик ми кадь мѳйюсыз люка. Паймод ява. Со быдѳа клу-
бын П жѳк пуктылэмын. Кытысь тырмытэм тусьты тйрлык но сион. Вот кыѳе
луоз вылэм юбилейёс.

16/IX-07

Табанез пе пѳсь дыръяз сиё. Мон но пѳсь дыръям гожтоно кариськи. Тун-
нэ, 30 сентябре туклячи нош ик лэчыт кылъёсыныз Гирыш Еня сяин ик ка-
риз. Тазы гынэ ке ортчоз яра ини.

28 сентябре Шанго Петя, Васязэ пургэн вием. Васязэ адѳыны ветлймы 30
числое. 1 октябре мѳйюсыз куно кароно вал. Адямиос 2 числолы мед кель-
тозы вал шуизы. Бертыкумы: Кондраш Галя, Мангай Тоня, туклячи но мон,
шуись луи: «Людалы верало 2 числолы мед кельтозы». <...>

Бертыса ужъёсме ужай. Эля, Лена, Павлик сѳд палэзъ бичазы. Самовар
пуктыса, чай юимы, сылалтэм губи сиимы. Русланлэсь ужъёссэ Элялы вера-
ны уг лэзъы туклячи. <...>

30/IX-07

Пудо пумитэ мыныкум, Людаен пумиськи но юай, ку луоз мѳйюслэн ну-
налмы. 2 октябре пе кенешимы ортчытыны.

30/IX-07

Паймод но бырод та улонлы: азыло нокытчы турнан инты но уг кылы
вал, шашыез но вожмаськыса турналлям. 28 октябре ыжмы ѳз берты, пияса
кылем. 31 октябре чаклало али коть шуыса, пастух Пикаль Лёняос вал, ветлй
Ӗркемей шурен но Миквор усем вискы. Жѳк жужда люцерна пушкытй пудо
возьмало, турнатэк кельтиллям. Садо сюресын но пе озы ик кылемын. Вой-
на вылтй но номыре бусые ѳм кельтэ вал, пайми но пайми. Нокин но началь-
никъёс бусые потыса адѳись ѳвѳл ни. Пред. шуонмылы пе 25 арес, ю-нянез пе
уг тодма, вот тыныд улон-вылон!

Руслан 21 ноябре пе военкоматэ вуоно, армие басьто. Табере бай пиос
уксё тырыса армилэсь пе кылё, жарлыос⁹⁰ тазаесь ке но ѳвѳл, мыно. Дышет-
сконзэ пумаз ѳз вутты, ужаны но нокытчы ѳз кучкы, <...>

Пересь юондырамы⁹¹ сельсовет пред сяна ветлйсь ѳз луы. Предмылэсь
мар но со юаломы шуиськомы вал, фураж кулэ, уз сѳтэ шуо лэся. Мынам 7 га
понна, мималаез но басьтоно на. Басьтй 13 ноябре.

90 Жарлы – бигер кылысь асѳэтэм кыл *ярлы* – пр 1. бедный, неимущий // бедно 2. сущ бедняк 3.
бедный, убогий, скудный.

91 Зуч семен “День пожилых людей”.

Роза 2 арнямысь бертылэ, трос ужаса кельтылэ. 2 ноябре Юляен ик бертылызы. 5 ноябре кошкызы, потйзы пыдын, кызы кошкызы уг тодйськы.

Гожтйськымтэе, 1 сентябре школае ветлй, пыды каллен мыныку урам кусып но кыдёкын автобусозь. Отын кунояны отё вал но, автобуслэсь кылемэ өз поты, бертй. Туннэ 7 ноябрь, азьло праздник кариськом вал, табере 4 ноябрь каро.

7/XI-07

Русланэз 2 арня пала юмшатйзы. 21 ноябре кошконо шуыса. Ми Роза бертыку гынэ пыртамы 18 ноябре. 17 ноябре вечер карызы, шулдыр вал. Посёлок но Вужгурт пиос мар ке мында лыктйзы.

Ветлызы 20 ноябре Иже военкоматэ. 21 числое басьтйллямтэ, табере 25 ноябре пе басьтозы шуиллям.

24 ноябре жыт нош бөляксэс но ёроссэс люкаса жок пуктйзы. Пиналтьёс но лыктйзы: Ваня, Миконор Руслан, Стасик, Танай Петялэн пиез но эшшо кин но со. Туж зеч кариськызы. Пиос винаез кымало гынэ. Руслан но кыма, тышкаськисько, макмыр луоз, чукна вазь султоно, 6 часын султыса вырзонно. Мон но отын ик көлий, чукна ке потон кыдёкын. Чукна нош келяськисьёс люкаськызы, бөляк но ёрос калыксы. Умой кадырлы келямы. Палай Сашалэн машинаеныз (Асьсэлэн өвөл ни).

Ваньзы туклячи сяна.

Нуназе бере мыныны дасяськисько, кызы бертэмзэс тодыны. Володя кенэн вуизы. Мумы чөж но ай чөж но лэзи Игорьлы но. Соосын ик потй Эляос доры. Бертйллям вылэм ини.

Понедельнике 26 ноябре нош ветлйллям на Руслан доры. Вторнике келяллям Русланэз. Розаен Юля Вокзалэ келяны ветлйллям.

27/XI-07

2007 аре 2 декабре выбор вал.

Улон-вылон олокызы но берга.

Азьло 1 кандидат понна гынэ куарамес сётйськомы вал, табере олокөня кандидат вожмасько депутат луыны, паймод кудзылы куара сётыны ик паймоно. Кандидат дыръязы мар ке лэсьтыны куриьском, ваньзэ лэсьтыны дась. Депутат ке луо, ваньзэ вунэто. Азьло но малпаса, куара сётыкум но онграй⁹². Ваньзэ валаса ум вуттйське ни кадь. Музьем сярысь сюлмаськись өвөл ни кадь.

92 Онграны – зуч сямен “потерять (терять) сознание; упасть (падать) в обморок; быть в шоковом состоянии”.

9 декабре, арня нуналэ нош сопала потй. Пу ваён понна сьолмы шуг. Лымы трос луиз ке, урамамы пырыны уз луы ни. Элялы жури, мед ваёзы вал шуыса. Роно пе перечислять кароз пу понна. Киысь ке сётоно луысал, вайысалзы дыр ини.

Русланэз Крондштатысь Выборге келяллям. Тойма бигер пиен огиньын былэм. Эшсэ интыяз ик кельтйллям. Анаез Ёргилы жингыртэм. Соос Ижын уло лэся.

10/XII-07

12 декабре вордйськем нуналам жыт Эляос семьяенызы но 2 Галяос вуизы. Огшап улыса, Володаен Игорь семьяеныз вуизы, кен но Маринаен гынэ, 8 час вал-а мар-а? 11 часын кошкызы. Ъукна няне гурын дыръя пу но вуттйзы 11 часын, таиз кузьым ке кузьым! Вордйськем нунальёсамы кузьымтэк ветломы ини шуисько, вошъяськон гынэ со, мар кулэ на табере? Котьмар вань.

Пенсия басьтйськомы. Пенсия нуналэ вузкарьсёс ветло, котьмар басьты. Сашалэсь вордйськем нуналэным жечкылам гожтэтсэ 18 декабре басьтй. Азьвыл нуналаз гынэ асьсэлы лэзи вал «Виль арен» но Тонялэн юбилееныз жечкыласа.

16 декабре Володя бертыса, пу вандылыса кельтйз, Эля трос гынэ пильыльиз, Лена утыр люказ. 17 числоысен кучкыса, 3 нунал ог дасо пуксёен ачим пильыльисько, чик кужыме өвёл ни. Сюзэмлэн гынэ лэсьтэмез потэ на. 2 арня пала арнялы 2-3 нуналзэ пильыльи. Ог 2 куб. м луиз.

29/XII-07

Розаос 31 декабре гынэ бертозы кожей вал, соос 28 числое субботае бертйзы. Арня нуналэ но пу пильыльиз, вордйськонэ но, 31 числое. 30 декабре Ладимер Поле кулэм, 31 декабре сое ватйзы. Мон келятэк кыли. Виль арлы кельтйллям.

Виль, 2008 ар.

31 декабре Поръёс доры Виль арез пумитаны мынймы. Уйшор бере 1 час 30 мин бертыны малпаськомы вал ини. Шапей Коля Гирго Ленаен вуизы, асьсэ доры өтё, салазкиен лыктйллям. Женяен монэ салазкие пуктыса, Шапей Коля дораз нуиз. Шапейын кема өм улэ, Розаен бертймы, ключмы сьорама вал. Юлия ке бертйз, паймоз шуыса. 1 январе Володя вуиз пу пильылыны, собере нуназе бере, пельнянь сием берамы, Эля вуиз. 3 кузя пильылыса быдтйзы.

2 январе кылемзэ Розаен люкаса быдтймы. Нуназе бере Эляос доры потймы. Отын нылгёс асьсэ коже вылэм. Эля школае мынэм, туклячи Крестя сузэрез доры. Эля вуиз, жокквил пуктйз, котмес тырыса бертймы.

3/1-08

Руслан туж тэльмырыса гожтэт лэзем. Анай-атайзэ отьыса, туж мөзме куанер.

«Бадзым фотооссэ басьтод» – шуэ Ёрги. Милям пе уксемь өвөл. 16 январе вуэм фотоос. Пенси басьтыкум тыри 677 ман 50 коп. <...>

23 январе куазь көшкемыт төласькиз, буран. 24 январе дугдйз кадь, азбарез лымыен тырмытйз, ураме потан ыбес вадьсы, решётка жужда люказ. Гриша лыктыса мичиз, ураме потан ыбес дорысь но вуж корка доры. 25 январе сокем буран ой вал ни, шунды потаз. Жыт Роза бертйз. Ой малпа вал бертоз шуыса. 26-27 январьёсы нош ик синьтэм-пельтэм лымыяз, төлаз, пелляз. 27 январе Роза пелляськон улэ ик потыса кошкиз, ярам Ёмка Таяос нуиллям. Туннэ 30 январе гынэ куазь чебертйськиз. Лапас улэ мыкыртыськыса гынэ пырам луэ на. 4 тубат лэсьтй. Вуж коркае тожо озьы ик, сюрес лёги.

28/1-08

Ёргиен Эля кошкызы Руслан доры Выборге. 5 феврале пудо утён туклячи-лы кылиз. Мон нунал пöрат потасько, юрттыны уг юрттйськы, коть адымиен сюлэм шуг но мөзмон буйга шуыса. Ачим но огнам мөзмисько, уг чидаськы потатэк.

9 феврале Тронин кудомылэн юбилеяз (80 аресаз) мыныны лөптймы вал. Нуись өз луы. Прокофей Галя дорын пукимы. Лена ас эшгёсыныз вордйськем нуналзэ (15 арессэ) кариз.

13 феврале потй Эляос бертозы ни дыр шуыса. 8 часын чукна вуиллям. Ярам зеч ветлыса зеч вуизы. Сьöразы Ленинградьсы вина ваем, Галя П. но вуиз, быдэн 1 чарка юимы, туклячи но быдэн 1 чарка сектаз. Бертэм понназ но, вордйськем понназ шуимы (39 арес).

Кызы мар карыны ик паймисько. Киуж ужаны уг быгатйськы, сингёсы лябзизы. Пыдйыл ужаны но чик мылы уг поты ни, кыче сюлэм шумпотыса ужано вал. Пельпумы но суйы гырпумозям висе, гожъяськыны но уг чида ни, стежоной одеял но секут потэ, суйы шобыртйськыны уг вормы. Эх кытчы пыриз ужаны быгатон, пинал дыр, ужаса улыны ик каньыл вал. Дорын улыкум нуналгёсме кызы ортчтыны ик ёрмисько.

Киуж ужаны синь кулэ, орган шудыны дышетйськисько, суйы, пельпумы уг чидало.

14/II-08

16 февралэ Володя бертйз, липет йылысь лымыез куяны. Пенси ваиллям, пенси басьтыса, о́жыт Эляос дорын пуки. Русланэз телевизор пыр лэзизы, ваньзэ ой учкы ни. Володыез сюдоно. Басьтэм одеялме но отчы ик кельтй (капчи сырем одеял басьтй).

Жыт 5 часын кошкиз Володя зеч лу шуыса, малы ке кóты урод кылиз. Та быдза коркамы огнам улыны кыли, ноку но ой малпа вал огнам кылё шуыса.

17/II-08

Туэ куазь нош ик паймымон. Туж трос лымы люказ. 22 февралэ Розаен Юля бертйзы. Синьтэм-пельтэм пелляськиз. Роза гараж липет вылысь лымыез куяз. 25 февралэ кошкизы. 1-тй мартысен ик шунтыны кучкиз. Игорь бертыса нош корка липет вылысь куям лымыез ураме поттаз (Гриша куяз вал корка липет вылысь лымыез 28 февралэ).

2 мартэ клуб сэрег вадестй, вуэн ветлоно кадь ой вал ини, бурки кутчаса. 5-ысь-6-е мартэ потон уй кынтйз. Сйлез мар карыны пайми вал ини. Оломар но гожто шуисько вал, вунэтйсько.

3/III-08

8 мартэ Люба 80 арессэ кариз. Клубе Починькаос пинал куное лыктйллям, о́жыт жегай. Вуж Тйгырменъёс кóня ке но Юрмалайысь, Ноднюкысь Павилалэн кенэз, нылыз, Роза. Туклячи нуддйз соосыз. 9 мартэ Эляос чöж бекчеен потазы. Ог 12-13 адыми люкаськимы. Вина бон сектаськыны уг быгатйськы, сиёнъёсмес сиыны куанйзы, ческыт шуыса.

10/III-08

27 мартэ Киясаысь врач (Куликова) лыктэм. Отчы потай, Эляос дорын но кемагес жегай, бертыны ой дырты. Бертыса, корка вöзысь но урамысь колонка пала канава карыны малпаса, муржжолэ пыри кузь резинка сапеглы. Пайми: муржжолэ ву пырем. Мар карыны пайми: первой одно ик канава кыроно. Мынй Людаос доры. Огнам номыр но карыны быгатоное öвöl, Эляез öтёно. Гриша, Люда, Эля, ачим дэмен картофкаез мудэт вылэ куямы. Гриша ву поттаз, 1 часын ужмес пырпоттймы.

Арня нуналэ 30 мартэ Эляос доры потй, кема ик пукыса ой вуы, Володя вуиз. Розаос вуиллям кожаса бертэм вылэм, басьтэм дорожказэ ваем. Öз но сиськы, 1 чаша чай юыса кошкиз. Бакчае потаз, Öркемей шур дуре ветлэм, ма карем ой юа. Сьöрлон улйсь нылпиосы (бадзымъёсыз Володя, Роза) чөмгес вуо дулме чакланы, тау соослы.

31/III-08

27 апреле Быдзым нунал вал. Ветлімы вось нерге, 4 корка гынэ кылимы на. 28 апреле Балаше мыныса пукимы Оксиньяен. Отысь бертыса, ми дорын пукимы, Шапей Тоня но вуиз. Кема пукимы оло 7 – часозь. 29 апреле Шай вылэз утялтыны ветлімы. Адами трос вал. Куазь шулдыр, шундыё. Бертыкумы Эляос доры пырыса пукимы.

30 апреле Розаен Юлия бертйзы.

1 мае ыж но ыжпи чышкымы. Собере Эляос доры потйзы. Володя бертйз нуназель. Чырык-пырык пуосыз вандылйз.

2 мае трос мисьтаськиз, собере укно улысь артанаез пыртазы.

2 мае жыт Евгенья Вячеславовналэсь 55 арес творческой вечерзэ каризы. Вужгурт клубын трос калык люкаськемын. Дышетэм нылпиосыз но мукетъёс но вал, аслазъёсыз сузеръёсыз 3 кузя Нина, Надя, Валя, Аслаз семьяз татысь но посёлокысь но.

<...>

3/V-08

6 мае тулыс пересь кисьтон.

Игорь но огназ шай вылэ лыктйз. Алёналэсь памятник сэрегъёссэ волятыса кылиз. Ми туклячиен Маринаос доры пырамы. Игорь Пежыр пала вуэм ини. Бертылйз, газ пыртон сярись вераськымы.

7 мае, нуназе бере война вылын ужам поннамы, концерт адзыса, чай юимы.

8 мае Лутохае митинге ветлімы, куноятйзы.

9 мае Дусялэн араз потай, куке но эшгёс вал. Калыкез адзи.

10 мае мунчо эстыса пыри.

11 мае Эляос доры потай. Мишаослы картошка мертйллям.

Куазь уг зоры, апреле но зорез ой вал. Мае но өвёл на. Кыче потоз ини кизем ю-нянь но картошка?

12/V-08

23 мае бигер арня нуналэ картошка мертймы. 24 мае газлы трубаос тырыны вуизы. 24 мае Роза огназ ик бакчаын убоос лэсьтылыса, сугон, кешыр горд кушман мерттылйз.

25 мае кошкиз, Володя бертыса нуиз. Труба лэсьтйсьёс выходнойёс карыса, 29 мае ужзэс быдтйзы.

Материал понна 23.000-00 тыри. Ужасьёс понна 9.566-00 манет Петров уж понна 8.000-00 луиз шуиз вал, дуно кариз шуыса, йыры курен, йыры висыны кучкиз.

Куд-ог улон-вылонэз мынэсьтым юам, арен-арен ик вераны быгатйсько. Вот та йыры кур луэм бере, кудзем муртлэн сяин сураськи.

30 мае мунчо пыри. <...>

2/VI-08

Туэ гырон-быдтонэз 13 июне каризы. 14 июне чекан вал. Нокытчы но өм ветлэ. 15 июне трочинь. Шур сьөръёс жыт люкаськиллям. Каллен-каллен пыдъёс мынэмысь дугдо, сьөрло уг нуо ни. Колхоз автобусъёс өвёл ни, школь-нойёс гынэ на.

Вуж Тйгырмен 22 июне но люкаськиз дыр, война кучкон нунал. Галина Павловна люкало шуиз вал.

Люда клубын техничка, выж миськон луоз шуэ дыр. Отказать кариз 22 июньлы люкаськонэз. Кылем арняе Роза бертылйз, бакча бамез турназ. Мушег нуналаз (19 июне) Игорь бертылйз, Романэз пе картофка жутканы лээё. Розаос пыраллям но, соослы но озы шуэм. 3 нунал возьмай юрттйсьёсыз. Трактор луи ини, бакча чурыт, копок уг пыры. Трактор басьтыны уксьё сётэм поннам, ачим трактор кадь ужасько. Мон нокинлы но кулэ адыми өвёл ни табере. Кыззы ке но будэгъяй ярам, черсей керттй, вури, кышъяй.

27/VI-08

28 июне Очалэн юбилеез вал, 70 арес. Аслэсьтыз выжыоссэ, нылпиоссэ, кудо-туклячиоссэ өтем. Туж шулдыр вал.

2/VII-08

19 июле, субботае возьмасько Сашаез Тонялэсь. Укно улын выронъям машина вуиз. Машинаысь Бади потйз, пайми. Дарья Мики, Верка лыктйллям, Марина доры пыриллям, Бади монэ поттыны лыктэм. Сашаез Танай Петя ваем, шур сьёрын ини пе. Марина дорын ик кудзи. Оляос доры, Эляос доры пырамы. Мики Эляос доры пограса кылиз. Мон вётам кадь гынэ кыли, оло адзйськи, оло ой. Уддядие пырано пе, Оляос но Эля но Павликен ветлйллям. Лялиысь Игорьёс но лыктйллям.

20 июле Игорь семьяеныз часта пыраз, Викторлэн кулэм нуналыз 15 ар ортчиз ини. Шай вылэ ветлйллям. Куазь пось, уг зоры. +30⁰–32⁰.

23/VII-08

24 июле Игорен Роман газ пыртыны корка дорозь канава гудйзы. Нуназе бере 4 часын кучкыса, жыт 11 часозь. Первой тракторен портылиз, собере лопатаен гудйзы, сузязы. Оген гынэ улыны уг луы, весь юрттйсь кулэ. Саша Киясае кошкиз. 22 августэ пе Машалэн сюанэз. Сьобраз Венераен Аняез нуыны турттэ. Кызьы луоз ини.

25/VII-08

1 августэ Роза Юляен бертйзы. 2 августэ гур эстй, нянь пыжи, гуре выль шьд пуктй. Эляослэсь сйльзэс вай вал. Игорь бертйз, нуназе выль шьд сиим. Романэн Венераез сюанэ лэзём шуимы вал, нокинъ но мыныны уг быгаты. Романэз шоферлы, машина нулдонлы сдавать карыны пе лэзёно.

3 августэ, арня нуналэ кошкизы, Куликова Валялэн машинаеныз, шур сьёры келяса ой пота, пыдьёсы каллен вamyшто. Эляослы бакчаысь турынез люкано. Ваньзы кошкизы, туж шимес, кулэм-ышем бервыл кадь кылиз. Корка но туж шулдыр, озьы ке но туж мёзмыт, вераны луонтэм. 4 августэ, вордйсь-конэ Эляос дорын пуки, Ярмук кышно Тоня но лыктйз, кема пукимы. Бертйса ял карыны выдй, 3 час бере иворъёсыз учкытозь шуыса. Огшап кыллем берам, корказь ёс куара кылийськкиз, шаплы-шаплы султыса, миндэрме тач понй, учкисько. Анна Федотова телевидениысь. Чик ой тоды, Володязе жингыртыны косйллям вылэм лэся. Домбро, арган шудэмме пе снимать кароно. Выри ини, кёня быгатй, кема өз жегалэ.

5 августэ туклячилэн вордйськем нуналаз потай. Шулдыр вал, калыкен огиньын пукыса, буйгай кадь. Туннэ 6 август Олёналэн вордйськем нуналыз. Куазь чукна тырись дугдылытэк зоре. Оксинья пукыса кошкиз. Сокем ик мёз-мылэс ёвёл ни кадь али. Куазь кёс улйз-улйз но 2-тй арнязэ зоре ини.

6/VIII-08

26 августэ шур сьёры потй, Павлик огназ, черлам. Лена картофка октэ. Эляен туклячи турын вайыны татчы потйллям, шаплы-шаплы бертйсько, бусысен пумиськи, кошко вал ини. Володя бертэм велосипедэн. <...> Вот нылпи вордймы, шуд сйзьыны ём валалэ. <...> Гуртысь ужез но со трогес лэсьтэ. Нылпиосыз туж лётпымонэсь уз луэ Антон сяна. <...>

5 часын кошкиз, картофка пудэз турнаса кельтйз. Бакчаётй кошкиз, оти ик бертэм дыр, яке Игорь доры пыраса кошкоз.

27/VIII-08

28, 29 августэ Эляослы картофка октыны потай. 29 августэ Розаос бертйзы. 30 августэ улысь бакчаысь картофкаез октйзы. Куазь кучкыса-кучкыса зорэиз. Эля, туклячи но Лена потазы. Нуназе бере Володя вуиз. Укно рам лэсьтэм. Ёргиез вайыны косэм вылэм. Машиназэ донгыса гынэ вырзётйллям но пыраны дйсьтымтэ. Картофка октыны-пыртаны юрттйз, кёлыса кошкиз.

30 августэ Розалэн вордйськем нуналыз. Сиён-юон ваем. Нуназе табань сиыкумы юимы. 4 часын улысь картофкаез быдтйзы.

21 августысь 22 августэ четвергысь пятницае потон уй вöтай вал. Кинь ке мыным трос бумага уксё сётйз кожаса. Вöтаме шонер луиз кадь. Володя 5000.00 манетме берен сётйз. Эшшо Роза Мишалэсь 4000.00 манет кузьым сётэмзэ кельтйз. Табере али ик ке но газ пыртыны тырмоз. Миша вуиз жыт, изыны выдон азямы. Машиназэ Володяен Эляос доры нуизы, урамамы машинаен пырыны дэри. Собрере торт но коньяк ваем. Жöк сьöрын юимы пукимы, Розалы сётыны кызы ке уксёзэ чыдэтйз. 31 нунал ужам понназ 16 000.00 манет тыриллям. Чукна 6 часлэсь азыло султгыса кошкиз. Розаос Пор Женяосын кошкизы Киясаозь.

1 сентябрь 2008 ар

Туэ 1-тй сентябре 32-тй арзэ ужаны öй мыны ини. Потэ вал Павликлэн нырысь нуналаз ассэ воземзэ адземе, но чик мылы уг поты ни, сюзэм гынэ котьмар каре.

Шудбур, азинлык, тазалык сйзьыса, жöк вылэ тыр нянь понй. Öг 7 кузя нуныктьёс школае мыно на. Кен, Эля школае ужаны мыно. Умой, тазалыкен мед ужалозы. Нуныктьёс умой, тазалыкен мед дышетскозы. Эляос доры мыныса пуки. Ленаен Паша бертйзы. Пашалэн эшгёсыз лыктйзы Никитаен Гриша, эшшо вуиз на Ирисов Андрей, компьютерен шудо.

1/IX-08

Октябрь

Уй-нунал шаплы ортче. 1 октябре мöйюослэсь празниксэс каримы, клубын. Туж шулдыръяськызы адямиос, учкыса ик куаноно.

Мон öй юы, изжогаен курадзйсько. Роза октябрь толзэе отпуске потйз но, 3 октябре гынэ бертйз.

11 октябре сйзьыл кисьтон вал. Шай вылысь бертгыса, Балаше мынймы, Полелы келиськыны. Со вискын Игорь бертэм вылэм, чюказеяз тодймы, 12 октябре Натальялэн вордйськем нуналаз ветлыса.

Юля огназ мöзме лэся, Роза 13 октябре городэ кошкиз. Кöня улоз, тодмо

өвөл. Куазь мар вералоз. Чебер куазен ужаны умой. Куазь чебер улиз вал. 12 октябре зориз.

<...>

Руслан моряк, Средиземной морее вуыса, музъем вылэ, Африкалэн уй палаз потозы дыр. Собере нош азылань.

13/X-08

<...>

18 октябре Офнася апайлы йыр-пыд сётйзы. Бертон сяин Кондраш Галя доры бекче юназы, Педора Маняен чөш бертыны пыри. Уйшор бере 3 час вуэ вал ини изыны выдыкум.

Чукна 7 часын султй ни. Пеймытэн потыса, тылобурдоослы (чөжжэслы) пушнер кораса суралтэмен сюдйсько.

Сюдэм берам ураме лэзисько. Оломалы одно ик Оксиньялэн капка азя мыныса пуко. Оксинья ог 10-со нунал шорам кесяське ини, чөжжэс чистюлялэсь капка азыэ саптало. «Азбарад возь чөжжэстэ, сюд!» – шуыса кесяське. 2-3 пол улляса асьме капка азе улляй. Нош отчы ик мыно. Собере азбаре пыртй. Оксинья капка азыэ чужиз, нянь пыжонэ вал бере, ваньмон вискам укное учкылй, адзи, жагзэ огазе люказ, малпай та жагзэ капка азямы уг кушты меда шуыса, учкылыны ой ваньмы ни, гур дорын ужай. Собере шур сьоры потоно кариськи. Ураме потй но, пайми, укно улэ чужиськем жагзэ куштэм.

Адямиослэсь юано луи, мар кароно со куштэм жагзэ. Галя Конд. шуиз: «Аслаз ик юртъер котыраз кушты, аслад верам кылжэсьд, аслыд мед луоз». Людалы верай, со шуиз: «Гопа ну но кисьты, солэн тодэмез өвөл, милемыз но озы кариз». Мон со жагез йотылыны ой дйсьты вал, шур сьорысь бертыса, жаг вылаз пул но мар тыри, тёл нуонтэм. Розаез возьмасько, мар шуоз.

Уроджаськыны кучкем дырысьтыз 55 ар ини. Котькызы ик монэн шузияськиз ини, но Эдикез арам луыса, марлы ке сразу мон доры бёрдыса лыктйз, кызы валано сое?

20/X-08

Э, Эля, Эля! Эрке гынэ будйд вал, быдзимжэссэ сяин пось табанен ой сюдылы, немарлы вал. Ныл дыръяд но аслад ёз ныл эшжэсьд пöлын самой кадырлы ныл вал, котькуд казак пи синьмаськиз. Оло ми, анай-атай шуд сйзыны ум быгатйське, оло озы ик аджондэ аджиськод, тодоно өвөл. Киыд но зарни, вуриськемдэ котькин яратэ. Оло кас усё ини.

<...>

27/X-08

Ноябрь

28 ноябре, пятницае Олялэн пиез Владик армиись бертэм. Эдиклэн пиез, Костя отьыны потаз. Игорь но дорын вал, газ труба пыртыны борддо-рез пасяз. Бертон дораз ум лыктэ шуиз. «Лина висе грипп, машинамы өвөл». Мон шуи: «Уг мыны, уй туж пеймыт, чуказе мыно». Вунэйтськем, газ труба пыртисьёс лыктозы шуыса. Роза но бертоз дыр, дйськут дасяй. Розаос Эляос доры пыраса ик салдат адзыны мынйллям, мон отын дыр ини кожаса. Ярам ойдо, умой, мыныны валаллям.

<...>

11/XII-08

16 декабре газлы тыронмес тырмытймы. 17 декабре пенси но басьтймы, газ лэзизы Сидор Игорь доры, Ёноок палан люкаськыса, газ кенжытйзы. Клубын кунояськимы.

20 декабре Ёмка Воваос доры потай. Марпа апайлэн араз. Вужгуртысь Танай Юрик кышно, Тоня кулэм. 21 декабре ватоно. Мынам йыры оҗыт сураськыны кучкиз кадь. Чукна малпай, нуназе гынэ потыса уг вуы меда шур съёры потыса адзыны. Собрере утыр вунэтыса потй, тодоно ивор, кызьы меда ватиллям. Час 11-ге мыныку потй. Лена Павлиken кыкназы гынэ. Семья Вужгуртэ кошкем Тоняез келяны. Огшап улыса Ёрги вуиз, гу гудйсьёс пе ваи. Сиськиз но мар ке вуриз, куртказэ лэся. <...>

12.30 мин мон доре кошки.

22/XII-08

<...>

Арня нуналэ, 28 декабре, эзегъёсты 4-зэ вандйзы. Мон тылы кесяны яралло шуыса потй. Павлиken кыкназы толло жуксэс сииям. Соин өз куры ни. <...>

Газ!

29 декабре 2008 аре мунчо эстоно кариськи, куазь кезьыт улйз ог дасо нунал. Шуньтгес дыръя мунчое пыроно шуыса.

3 часын, нуназе бере вуизы газ герзасьёс. 45 минутскын вуттйзы. 30 декабря дйськут миськи, со вискын Игорь вуиз, газ вуэмез тодэм. Мар но со ужаса кошкиз.

31 декабре Роза Юляен бертйзы, шур съёры лавкае шуыса потй вал. 12 часын бертйсь асьме автобусэн бертйллям Киясаысь.

Выль 2009 ар!

Жыт 11 часын Розаен мар но со сион, шампан басьтыса, Поре мынймы. Осьып Катя, Пор Аля Коляеныз, Исак Лена, Пор Катя картэныз жок съёрын трос. Шулдыр сиим, юим, кырзамы, верамы. 3 но жыны час вал ини бертыкумы. Розаен Юля 4 январе кошкызы Шапей Петялэн машинаеныз.

5/1-09

Гожтонме вунэтыса вуисько.

<...>

16/1-09

23 январе 3-4 часын Лукерьялэн Зояеныз Лукия апайлэн Зинаез, Марина вуизы. Мар сион пуктыны ёрми. Толалтэ пельнянь кынтыса но возиськомы, мынам со өвёл. Сйль вань, мясорубка пыр поттыны шуг потэ. Жыт ыжпи сйлен шыд пöзтыса сиимы, Роза мыным телефон вайыса бертйз. Арня нуналэ пöзтэм картофкаен пельнянь пöраса сиимы. Розаен Зоя Романлэн машинаяз кошкызы, Зина 1 уй көлйз на. Пельнянь сиыны Эляосыз но отимы. Эля азылогес кошкиз, туклячи öжыт пукиз на. Ёрги бертэм вылэм лэся <...>

Четверге, 29 январе жыт оло 7 час вал ини, тракторен пу нулдо, газ пыртймы бере, пу уз вае ни кожасько вал, Кабанъёслы ваё кожасько. Чукна адзи, ми пала нулдэмын, нуназе азын 30 числое эшшо ваизы на, потыса юай, кинлы? шуи. Школа компенсация пе сётйз, значит мыным. 30 числое мунчое пыри, 31 числое мисьтаськыса, Эляослы пу чектыны потй. Ёрги бертйз, Ленаез Киясаозь келяно, арня нуналъёсы Университетэ ветлэ. Ачим ваё бадзым машинаен шуиз. Мон дунтэк сётйсько, таиз но мултэс уз луы. Мунчо чем эстыло, пу трос суто. Картофка пöзтыны но трос пу кулэ. Ёрги туж ик соглаш öз луы.

30/1-09

4 феврале Леналэн вордйськем (16 арес) нуналаз люкасыкымы. Ёрги аслаз машинаеныз Игорез семьяеныз: Игорь, кен, Роман, Марина ваиз но келяз но. Леналэн ныл эшгёсыз: Маргарита, Альбина, Нина, Наташа ветлйзы. Эктэмзы потйз. Ёрги арган шудйз, кырзэзы но, ми но соос съёры. Леналы телефон басьтэм, номыр зеч кыл вератэк ал вылаз понэм.

Туклячи зеч кылзэ верам: «Чырткем таза мед луод, дышетскыны мед быгатод, анай, атай вёзын мед улод но будод». Папаед сяин дядяйтэк медад улы пе шуыны турттйсько вал но пушкы тырыса пе вераны ой быгаты.

11 февралэ Элялэн 40 аресэз тырмиз. Калыкез люканы ой лэззы 40 аресэз пе кароно өвёл. Ачим пото ойдо кузьым поттыса шуи.

Пудоосыз люктаса, сюдыса люгытэн потй. Пельнянь сйль поттэм. Дэмен пельнянь пёрамы. Быдэн 2 чарка көс вина юимы. Кино адзыса пукимы <...>

Пудо котырын ужасьёс Киясае куное ветло лэся <...>

13/II-09

14 февралэ пенси басьтймы. Кион Катя Офнася Катялэсь арзэ карыны өтиз. Бертыкум ик пыри. Лыктйзы Педора Маня, Кальга Катя, Оча, Макар. Берлогес вуиз Кион Микулай. Вераськон сяин со монэ шуэ: «Тон шаплы ветлйськод али, синьмыд но умой адзэ, очкитэк лыдзйськод, гожтйськиськод». Мон шуисько: «Кытын шаплы ветлйсько на? быдзым букваен гожтэмъёсыз гынэ адзйсько на, ог 20 вамышысь адямиосыз уг тодмаськы». Со шуэ: «Операция карем синьмы уг адзй ни, мукетсэ пе операция кароно».

Тйни озы вуэм-вуэм касаса⁹³ верало кадь потэ. Кассы усе кадь.

20-ысь 21 февралэ потон уй вётасько.

Уддядиын кинъёс ке бертчин басма басьтыса, Кияса клуб выж вылэ вёлдйлям, тусыз лыз-а мар-а? Кион Катя чуж буртчин басма басьтэм, мон кие сётйз но мон киям нулдйсько. Солэсь азыло, пьдме пиосмурт бинялтонэн биньыса, кут кутчай, Киясатй кутэн капчияк ветлйсько. Уддяди тодмотэм ныльёс Киясаысь собрание бырем бере, Санниковое сабантуе мыно, туж трос адями Киясаысь потыса, гурезь улэ васькызы. Уддяди тодмотэм ныльёс монэ но сёбразы чорто вал, но мон ой мыны. Берен Кияса ураме вуыса, туж жужыт гурезь йылэ вуи. Отысь машина сюрес вылтй васьки.

Оло пидэсы висемысь сайкай, оло сайкаса пидэс висемме шөдй. Умой-умой изыны ой быгаты ни. Чукна шуген лёгаськыса ик пудо люктай, сюдй, гур эстыса табань пыжи, шаньга, нянь пыжылй, шуген лёгаськыса ик нунал быриз. 21-ысь 22 февралэ потон уй туж висиз пидэсы, изыны уг быгатйськы, пуксьыса но пукисько. Чукна султыса, коть ньыльпыдяськыса ветлы, отчы-татчы кырмаськыса гынэ педло поталляй. Нуназе бере Галяез өтиз телефонэн Лена. Галя лыктйз, бурсит⁹⁴ шуиз, укол пуктйз. Умой луиз, супыр-супыр изи. Уйзэ но туж умой изи. 23 февралэ вельны быгатй ини. Каньылэн.

Розаен Юля бертылйзы, 23 февралэ кошкызы. Эля бертыса көня ке пукыса кошкыз, яке концерт адзё шуыса, ыжъёслы юон сётйтй. 23-ысь 24 февралэ

93 Касаны – вожъяськыса син уськытыны.

94 Бурсит – висён ним.

потон уй, туж алама изи. Ветлыны трос пе уг яра. Пыд купырие⁹⁵ өжыт вöсь луыны кучкиз.

24/II-09

7 мартэ Пычасэ, Маня туклячи доры 60 аресаз ветлймы, Ёрги нулдйз туж умой. Илья сватэн Рудик сват нимаз-нимаз зечъяськизы монэн, шумпотйзы дыр. <...>

14 мартэ 2009 ар. Тол келянэз татын каризы. Вужгурт «Чебер апайёс», школаысь дышетйсьёс но Лена эшъёсыныз кырзаны. Ми пенсионерьёс футболэн шудймы. 0:0. быдэн 1 стакан кузьым кузьмазы. Собере клубын шулдырьяськимы на. Туннэ 15 мартэ, Лена но кошкем университетэ, Эля госэкзамен сдавать карыны. Сйзисько зеч сюрес, каньылэн сдавать карыны.

15/III-09

<...>

28 мартэ Игорьёс отйзы выль итэт лэсьтэм понна табань сиыны. 27 мартэ Роза бертйз. Ёрги нулдйз Игорьёс доры. Зоя Толяеныз, Аля кен, Алёша, Люда, Тронинъёс пукимы сиимы юимы умой гынэ. Тау нылпиос визьмоесь, устоесь, котьмар лэсьтыны быгато. Пöронсыз⁹⁶ интыоссы өвёл. Ваньмыз умой лэсьтэмын ваньмы паймимы.

29 мартэ Розаез Шапей Петя келяса, эшшо пукыса, жыт бертй 5 часын. Урам донгем пасьта ик ву кошке. 31 но 1 апреле +10⁰ шунтйз. Туж шаплы ву лыктйз. Газлы гудэм интыетй зол кыриз. Лымы өжыт гынэ кылиз на. 3 апреле кынтылыны кучкиз. 6 апреле куазь лымыяз.

5 апреле Эляос доры потй. Корказы чогамын. Туклячи Прокофей Гаялос дорын вылэм. Пырыны косйзы. Лида кенэн, Люда Галялэсь корказэ мисько вылэм. Эляос доры мынймы, чай юимы, перепеч сиимы, пукимы, эшшо чай юйса, кошкыны малпай вал ини. Ёрги, Эля, Лена вуизы. Сион-юон октйллям Огырчие вуиллям. Руслан пе бертыны потэмын. Зеч бертыны сюрес сйзьыса ульськомы. Бертыкуз нокытчы изъян медаз луы.

6/IV-09

7 апреле потай нош шур сёры. 6 апреле 8 часын жыт Руслан пе бертыны потэм, апельсин но скал вöй басьто шуыса, өвёл. Напиток но сода басьтыса, туклячи доры пыри. Табань пыжем, сии, туж ческыт. <...>

7/IV-09

95 Пыдкупыри – зуч сямен вераса “сгиб коленного сустава, подколенок”.

96 Мукет сямен вераса, “быгатымтэ интыоссы өвёл”.

9 апреле нуназе азын Лена жингыртйз: «Агай туннэ бертэ шуыса». Нуназелы вуэ кожаса потыса пуки. Жингыртйзы, жыт 7 часлы вуом шуыса. Мон бертылыса пудо сюдыса, потй. Элялэн дышетйсь эшгёсыз 3 кузя лыктыса, жёквыл тыр сион пуктылйллям. Бертйзы, пумитам Эля нянен потйз ураме, ми корказын кырзаса пумитамы. Туж зеч кариськизы. Жёк съор тыр 2 пол пуксымон калык люкаськиз.

Розаен Юля 10 апреле бертйзы. 12 апреле пёраса нуназе салдат өтем каримы. Жёк съор тыр люкаськимы. Собрере Калигае мынймы. Аля Русланлэн кирос апаез.

15/IV-09

<...>

19 апреле Быдзым нунал вал. <...> 6 мае клубе концерт адзыны потыса, Эляос доры пыри. <...>

8 мае Лутохае, митинге ветлймы. Войнае ветлэм адями 1 гынэ кылем на Лутохаись. Война вылын ужасьёс но трос өвёл ни. Соос но ваньзы уг быгато ни мыныны. Умой куно каризы, умой шулдырьяськимы.

10 мае пудо потйз. Жыт пудо пумите мыныкум, ураметй Руслан, Ваня но Артюклэн вордос пиез Роман лыкто. Мон Русланэз пудо бертэмез возьманы кури. Соос Валька доры пыризы но, бакчатйз Микон коже потыса, Шапей кенер вамен чеччыса кошкизы. Пудо бертйз, пичи тёдды ыжпиез кутыны быгатыса, доре нуи, жыны сюрессэ Катя нуиз, тау. Собрере эшшо 3 ыжпи өвёл на. Кылемзэ вайыны мыныкум, бакча просектй лыкто, мон соосты отысыса, 2 ыжпиосыз Васюк бакча вёзысь вайытй, ачим кошки съод ыжпиез утчаны.

<...>

13/V-09

<...>

10 июне малы ке черлай, зигары быриз, пичи зырдаме вань. Сион өз мыны. Туннэ 13 июнь, колхозной Маёвка. Шур съоры потыса, туклячи сйям жук сюдйз, ачим картошка жарить кари, соин мынэ кадь ини. Половикгёсыз тóлатй, чёжпи кар тупатй, сугон мертгй, умой ужай кадь потйсько ини.

13/VI-09

<...> [Эля] корказэ миськиз, картош жутказы, бакчазэс турназы Русланэн, татысь но турназы 20 июне. Пыдэсыз турнано али, асьсэос ик мед турналозы кадь потэ, косилкаен турнано кадь өвёл, канаваё, тулыс ву трос суй пуктйз. Павлик татын көлйз, вёлдэт пе буялозы.

22 июне война кучкон нунал, клубе люкаськимы. Лякоп Оксинья номыр

адзымтэ адями, юемез гынэ потэ. Монэ вераськыны уг лэззы шорам кесясь-ке, весь пе тон гынэ ни котьмар тодйськод, мыжго! Мыжгы шуисько, туннэ война кучкон нунал, войнае быремъёсыз буре ваён нунал. Нокинъ уг тоды война кучкон нунал кыззы вал кинлы, пиналэсь.

Ураме кузё луиськод пе. Мон урамлы кузё уг кариськиськы, пудо пумите уг ветло, туж умой уг, дась ваемзэ пыртаны.

27/VI-09

Июль

4 июле Игорьлэсь 50 арес тырмонзэ школаын каризы. Ог 70 адями мон ласянь но Виктор ласянь шуиз вал. Ог 10-со адями өз лыкты. Ляли, Кузьымгурт, Кузёбай ветлйзы. Алнашысь Толялэн Олег пиез кышноеныз но Оля нылыныз ветлйзы. Толя вынмы зол висьыса өз лыкты. Юондыр шулдыр ортчиз. Ваньмыз радызъя вал. Ёрги нуиз но ваиз но.

Толяез ватон

Нуназелэсь азыло Зоя жингыртйз. 7 июле пе Толя кулэм. Келяны мыноно. Машинаос өвёл, мынэм потйсьёс вань. Володя кышно кенэз, Кияса клуб автобус юаны косй. Жытпал жингыртйз. Автобус нуоз, 2500-00 манет бензин понна тыроно, 10 кузя люкасыкымы. Ветлймы, адзймы, келямы.

Воксё тусыз ик өвёл ни, кулэм кадъ но уг поты. Лялиос, Кузьымгуртъёс, Кузёбайёс ветлймы.

10/VII-09

<...>

Туннэ 31 июль, лавкае нянь басьтыны потй вал. Лина Киясае кошкем. Эляос доры пыри, Руслан огназ телевизор учке. <...> Туклячи больницаын койкаын кылле. Кёс нюке ву уг тупта шуон, чынке чын ини <...>

31/VII-09

Туклячи 3 арня койкаын кыллиз. Табере группае потыны быззылоно. 5 августэ вордйськем нуналыз вал но, ми 8 августэ жыт ветлймы.

Аля кен Володя сьоры дэрем тыр басма лэзем, сое нуон сяин. Роза но Юляен бертэмын вал, Володя тыл проводъёсыз вошъяны, 10 августэ бертьиз вал ини. Туннэ, 9 августэ быдтылыса кошкиз. Марке туж кёты урод кылиз Володя

кошкемысь. Розаен Юля 3 но 30 мин кошкызы автобус асьме гуртэ ветлэ, туж умой луиз. Игорьёслэн кунянзы кошкем, арня ини. Игорь 8 августэ утчам но, адзымтэ.

9/VIII-09

<...>

Нылпиос бертылыса кошко ке, кёт уродэн пырон инты шедьтоно өвөл. Тани Тоня но бертыса 1 толэзь пала улиз. Маша но картэныз, Артёмен 1 арня улыса кошкызы. Роза но отпускын вал. Тоня кошкиз пуксёнэ, 15 сентябре. Туннэ, 17 сентябре, поездэ пуксыса кошке дыр ини. Кошкыны билет басьтыса, вылысь Киясае, Володяос доры ветлэм. Мынон сюресэз вöй вылтй кадь мед луоз.

15 числое шур съöры потыса, кема пуки.

16 числое Поре ошмес вулы мыныса кема пуки. Бертыса 6 ведра картофка октй. Кырын-бурын ужаку мöзмон өвөл, коркан мöзмоно.

17/IX-09

17/IX-09 пенси басьтыса, туклячи съöры мынйсько. Туклячи адзыз Ёргилэн пе машинаез. Милемыз адзыса ик кошко вал ини но, туклячи берыктйз носки сёт шуыса, мон арбузме сётй но, клубе кошки. <...> Лыктйллям ЦСУ-ысь пересьёслы кырзаны, давлениез но мертасез вань. Мон но мертатй, паймиз, 200 луэм.

Чукна ик йыры öжыт висе кадь потйз. <...>

24 октябре Павлик кöлыны лыктйз. Чукна ик султыса, мультйк адзе. <...>

27/X-09

Туннэ 3 ноябре Павлик мультйк адзыны ветлыса кошкиз. Берзэ учкыса кыли но туж кöты урод луиз. Толон 2/XI вордйськем нуналаз оломарно ваизы. Машина ваем Юля, ворттылйсь. Сое но събраз поттэм.

<...>

3/XI-09

Розаен Юля бертылйзы: бертйзы 30 октябре, ваизы арган. 16 500-00 манетэн басьтыса. Роза кошкиз 1 ноябре. Юля кошкиз 3 ноябре.

3/XI-09

Зучъёсын Удмуртёс ваче семья кылдытъяны кучкизы, Лутохиньёсын. Рудиклэн Алёнаез Людмила Сергеевналэн внукезлы бызиз. Табере Батё Фаялэн нылыз, Юля, солэн мукет внукезлы.

Розалэн Юляез но сюаназы бертылйз, 20 ноябре. 22 ноябре кошкиз.

<...>

23/XI-09

Выль 2010 ар.

29 декабре ныпиосын, кин желать каре ёлка каризы. Мон беромыса вуи. «Горд такъя» костюмен мынй вал. Нылпиос дйсяськыса кошкизы. Кема пукимы на чай юыса. 30 декабре «Бал маскарад» луиз. Вазьгес потыса, Эляос дорын пуки. Ёргиен Руслан вуизы 9 часын, мон кошки «Балэ». 31 декабре Педора Маняен «Выль арез» пумитам. Чукна 10 мин-тэк 4 часозь.

Розаен Юля 1 январе бертйзы, 3 январе кошкизы. 4 январе уже потоно шуыса. Туж буран улйз. Кызбы мед кошказы ини шуыса улй вал. Йёныз сюриз: Валериклэн Вова пиез Киясаозь машинаяз нуиз, отизэ таксиен кошкиллям.

<...>

6/I-10

<...>

Толон 18 феврале Вужгуртэ, Колошуре ветлймы. Ужысь ветеранъёслы, война вылын ужасъёслы медаль быртылйзы, войналэн дугдэmezлы 65 ар тырмонлы. Трос өвёл ни ми, 12 кузя гынэ на, войнае ветлэм Батё Ладимер гынэ вань на, со но татчы уг кариськы, городэ кошке. Сиимы, юимы, шулдыръяськимы. Автобусэн ваизы.

19 феврале чукна вöтай. Стругаськем шелеп пушкысь, кораськем шелеп бачаса. Везь кышкаса улйсько: нылпиослы номыр гынэ медам луы ини шуыса.

19/II-10

22 феврале пиослы шудонъёс ортчытйзы. Руслан но бертылйз. <...>

27/II-10

6 мартэ Володя бертыса, липет йылысь лымыез куяса кошкиз. <...> Розаен Юля 5 мартэ бертыса, 8 мартэ кошкизы.

11/III-10

12 март, пятницае Эляос доры потй. Туклячи пельнянь пöраны дасяське. Монэ юрттыны возьмам. <...>

13/III-10

Ортчиз Быдзым нунал. Туэ эшшо мырдэм но кызьы ветлыны тырши на. Пыдул туж шуг. Розаос öз бертылэ. Ачим но öй дэмла, яке бертозы но автобус уз нуы дыр шуыса. Но ветлэм гуртамы ик нуыны. <...>

Вöтай Ёрги Пашаез пельпум вылаз пуктэм, Пашалэн ымаз шуланэз, шула. Ёрги солань-талань нулдэ. Сайкаса сюлмы шуг луиз.

6/IV-10

65 ар война дугдэмлы.

Милемыз, пересьёсыз война вылын ужамёсыз туж кадырлы каризы. Апрель толэзьлы пенси вöзамы быдэн 1000-00 манетэн сётйзы.

Син-пельлы изён интылы басьтй. Розаос 1-ой Майлы бертыкузы, укное чилеп басьтйллям. Синь-пель мед луоз шуыса, изён инты басьтэм кылем уксьеме сётй. 1-тй Майлы но 9 Майлы но 3 выходной сётъязы ужасьёслы. 9 Майлы Роза огназ бертылйз, Юля пе экзаменлы дасяське. 1-ой Мае кен но 10 мае Володя но бертылйз, стиральной машина пуктыны, но кыче ке но корт пе кулэ, öз пукты.

28 апреле детсадэ ветлймы.

30 апреле школае музее но концерт адзймы, чай юимы.

Сельской сход вал. Кияса кырзасьёс ветлйзы. 6 мае асьме клубе люкаськймы. Дышетйсьёс ветлйзы, концерт вал, берло кадырласькймы.

8 мае Лутохае ветлймы митинге 300.00 манет тыр кузьым сётйзы. Мунчо чүшкон.

9 мае Киясае Калига Катяен кыкнамы асьме гуртысь. Туж трос адыми вал митингын. Собрере столовое мыныса кунояськймы. 2 часын бертыны потймы. Пересьмыса кадырлы луиськйз. Кияса йырма но тодэ Максимов Александр Вячеславович, Тамара Егоровна но нимаз нимыным зечъяське.

16/V-10

<...>

Павлик ветлыса кошкйз. Бырем интыяз кияр уд мертй но ву кисьтаны юртйз. 2 классэ котыр 5-ен быдтэм, грамота пе сётйзы.

4/VI-10

Кылем арняе, 30 мае Володя стиральной машинаез пуктыса кельтйз. Кӧлыса, 31 мае электро провод лэзьыса, вуттыса кошкыз.

4/VI-10

6 июне Пекеля урамлы 80 ар тырмонэз шулдыртймы. Туж шулдыр вал, умой дасяскиллям. Володя кенэн бертылйзы. Игорь доры но ветлймы вордйськем нуналаз.

7/VI-10

12 июне Кузёбайись бӧляк нылгёсыз ӧти вал. Аннэй гынэ но Зина эше гынэ Кузьымгурт но Ляли сузергёсын ветлйзы. Зоя бадзым кенэз нулдйзы. Ӧтчай но, кӧты палэс кылиз.

19 июне Роза бертыса, бамалгёсыз турназ. 20 июне Шапей Коля косилкаен турназ. Куазь туж пӧсь улэ, +30° трос. Турын шаплы куасьмиз. 23 июне чумолё люказы, Ёрги, Мартик Сергей, Эля но Лена, мон кӧня ке.

22 июне война кучконэ клубе люкаскиллям. Ӧз кельшы, куное вина юыса шулдыргьяськон кадь потйз. Нокинъ но аслэсьтыз матысь быремгёссэ ӧз вера.

<...>

24 июне Леналэн выпускной вечерез вал. Монэ но юаз вал. Мынэме потэ вал но, пыдгёс уг нуо ни. Пыдын ветлйзы дыр.

«Сидор Игорь нулдйз» – шуиз.

24/VI-10

<...>

Июль 2010

3 июле Алнаше Толялэн араз ветлймы. Володя машинаеныз нулдйз. Мон, Роза, Марина, Зоя ветлймы. Бертыкумы Оч тапалан йыромыса ветлймы. 5 часын чукна доре вуимы. Кузьымгуртэ Веркаос доры пырамы.

4/VII-10

Куазь туж пӧсь, кӧс улэ, уг зоры, гуждор чаштыртэ +34-36° озь. Толон 29 июле Эляос доры пырай. <...>

21 августэ Иже ветлймы. Антон нылзэ чукиндыриз, каша порма каризы. Володя семьяеныз ик ветлйз. Тазыы шонгыль-пешкыль гынэ вераське. Нылзэ кияз кутыса возматйз, чебер, мусо.

23 августэ Тоняен Саша бертйзы. 3 арня ёрос ульзы. 11 сентябре поездэ пуксизы. 13 сентябре доразы вуиллям.

Саша ческыт гынэ сюдыса возиз. Бакча сионъёсын шыд пöзтылыса.

1 сентябре школае мынйзы: Лена Уд. университетэ пыриз филологии. Марина 8 классэ мынйз. Паша 3 классэ мынйз. Красноярск Саша дышетсконзэ быдтйз. Туж шумпотэ дышетскыны мыноно öвöл ни шуыса. Котькинлэн улонэз умой мед луоз шуыса, жöк вылэ тыр нянь понй.

3 сентябре Русланлы Надязе кышно поттймы.

5 сентябре Эляос доры люкаськыса шулдыръяськымы. Собрере эшшо Калигае потамы. Ёрги арганэн, нормально вал. <...>

14/X-10

25 сентябре Романлэн сюанэз вал. Асьме нылпиос но Тронин нылпиос (семья) Володяос Иже мынйллям. Алёшалэн нылызлы пе 4 арес тырме. Тронинъёс бадзымез пизы Шуриксы öй вал. Выль Калига Миша кудомы нуиз но, ваиз но.

28/IX-10

<...>

Ми, асьме сельсовет, 18-28 октябрёз Киясаын ЦСО-а ЦСУ-а шуонын ульмы. Эмъяськымы дунтэк нулдйзы, сюдйзы.

28 октябре люкиськон сион-юон каримы. <...>

30/X-10

10 ноябре Русланъёслэн нылзы вордйськем. 15 ноябре Калига Мишаос асьсэ машинаен доразы ваизы. Эляос семьяен потазы. Мон öй мыны, уй туж пеймыт, пырыны шимисько. 18 ноябре Балаш туклячилэн 80 аресаз ветлй. Öг 12 кузя люкаськымы. Шулдыр вал.

19/XI-10

Асьсэ бöляксэс öтчаса но пукимы. 20 ноябрь вал дыр. Розаос бертыкузы ик пыразы. Жöквылзэ зеч кариз Эля. <...>

12 декабрь 2010 ар. Вордйськем нуналы.

Нянь пыжи, шаньга пыжи. Семья нылпиос жингыръяло гынэ. Пукисько огнам.

1.	11 часын нуназе ёросын	Быдзым кен
2.	нуназе азын	Павлик но Эля
3.	12-30 ёросын	Зина Лукия апайлэн
4.	1 час 30 ёросын	Лена
5.	1 час 35 ёросын	Игорь

Зечкылазы. Тау.

Эля но Павлик жингыртйзы, пельнянь сиыны отё вал. Потыны мылы өз поты. Потысал ке, Зиналэсь, Леналэсь но Игорьлэсь жингыртэмзэ, зечкыламзэс ой кылысал. 6 нуназе бере 4 час 10 мин Роза но Юлия. Алама кылйськиз.

12/XII-10

<...>

Вордйськем нуналме 18 декабре каримы. Вань семьяосын огиньын пуко-но на шуисько вал. Володя, кен, Эля, туклячи но Роза асэным пукимы. Володя липет йылысь лымы куяз. Роза жоквыл умой пунктйз вал. Эляос али бадзым семьяен уло. Руслан Выхь арлы 1 арнялы бертэм. <...> Пичи нылзы, Верониказы черламгес. Романлэн но пиез вань лэся (15 декабре вал кадь). Вадим ним понйллям. Правнукъёс бõрысь-бõрысь вордйськылызы, тау инмарлы шуод ини. Тазаесь, чырткемесь, шудоесь мед будозы.

29/XII-10

Выль 2011 ар

Али гынэ 2000 арез пумитама вал кадь. Туж шаплы ортчиз нош 10 ар. 31 декабре Выль арез огнам пуки, пумитяй. Розаос өз бертэ, автобус 30 декабре ваем лэся. Роза 31 декабре ужам.

1 январе 2011 аре нянь пыжи, чорыг нянь но пыжи. Элялы жингыртй, чорыг нянь сиыны потыны ивортй. Потазы туклячиен кыкназы. Лена мынэм Нинаез доры, Руслан семьяеныз Калигае потэм. Ёрги машиназэ тупатэм. 2 январе нош огнам пуки. Куазь туж жоба 3-тй нуналзэ.

3/I-11

Куазь жоба но жоба. Липет йылысь лымыез куязы вал ини, нош ик тырмытйз. 30 январе нуназе бере Эляен Лена потйзы. Лымы куяны потйллям. Бергес Ёрги но потйз, пеймыт луытозь куязы. Лапас пушкы пыраны пичи гынэ пась кылиз на. Роза Леналы вераса лэзем дыр, лымыез куяны. Лена тол каникулзэ бертэмын. Нуналэн-нуналэн туж мөзмисько. Кыре ураме шер потасько, пидэсьёсыным шуг ветлыны. Көты гынэ уродэн ульсько, бөрдэме потэ.

31/I-11

17 феврале Руслан Киясае медосмотре лыктэм но, дораз бертэм. Ёргиез юай вал корка липет вылысь лымыез куяны уз ваньмы-а мед-а? шуыса. Лыктыны соглаш луиз вал. Русланэз лэзем, ачиз мунчо пе эстэ. Эляез утиськыны дораз, городэ өте. 2 арнязэ варманаез утем, черласа бертэм. Руслан пе шоферлы дышетске, арнялы 2 пол пе ветлйсько. Озы Эля 1 арня утиськыны ветлйз. Право басьтыны мед быгатоз шуыса вöсяськиськомы туклячиен. Ворттылыны дышыны 5000.00 манет сётыса лэзи.

28/II-11

5 мартэ Роза Юляен бертйзы. Туж трос ужаса кельтйз. Выжез миськызы, мунчоез эстймы, мисьгаськиз, трос лымы поттаз. Вель сьулмаське. Ачим корка вöзысь 23 феврале кучкыса поттай вал. Арня нуналэ, 6 мартэ нош ик пидэсьёсы висыны (зол) кучкызы. 9-12 мартозь номыр ик ой ужа ни. Туннэ, 12 мартэ, Володя бертйз. Зеч иворьёс ваиз. Володя но Игорь но машина бастйллям. Володя лымы бордын выре, көня ужаса вуоз ини. Нош буран потэ.

13 мартэ Игорьёс доры ветлймы, машина миськыны. Игорь ачиз выль машинаеныз нуиз-ваиз. Мон, Эля, Павлик ветлймы, умой пукимы. Туклячи өз ветлы, висисько пе шуиз. <...>

16/III-11

Куазь 15 мартысен 20 мартозь жобаз. Руслан бертэм, потыны косй. 20 мартэ потйзы, ыбес усьтыны луонтэм лымыен чоктаськем. Решётка йылтй пыризы. Пичи Вероника нылзэс но потйллям. Туж адэме, вешаме потэ вал ини. Асьсэ семьяез пе мурта, монэ кызы ке өз мурта. Туж чебер, мусо мунё кадь 4 толэзьем ини, туж пичи. 3 пол кутылыса вешай, мынь потэ, аслаз нэнэез кие ке сётйсько.

<...>

21/III-11

22 мартэ пенсия басьтймы: пичи салам нуыса, Эляос доры мынй. <...>

22/III-11

Толон, 24 мартэ сопала потай. Пидэс висемелы укол басьтыны но лавкае пыраны. <...>

29/III-11

3 апреле но 9 апреле Володя бертылйз лымы мичыны. Руслан но Лена но бертыллям.

9/IV-11

<...> Бакчаысь турынез Гришаез турнатй. Бамалзэ но котырзэ Эляен турназы. Азыло турнамзэ Гриша нуиз. Шур съорез но Гриша турназ. Ёжыт бамалзэ Эля но Роза турназы. <...>

Турынэз асьме понна жутймы. Турнано кадез трос на. <...>

14 июль 11 ар.

<...>

Тоняен Саша бертызы 18 июле. Кошкизы 2 августэ. Маша бертыз 6 августэ, кошкиз 18 августэ. 17 августэ Эляос семьяен потыса, адретта шуон картофкаез октызы, пудэз куасьмиз.

26/VII-11

<...>

Туннэ 15 сентябрь. Пукисько огнам. Одйг арня чоже куазь зоре ини. Мон пукытозь 10 сентябре Владиклы 40 уй но каризы. Ярмук кышно Тоня но 13 число кулэм, 14 число ватйзы. Мыныны ой быгаты, пидэсьёсы висьыса, ветлыны уг быгатйськы. Роза но 5 число отпуске бертыз вал, 8 сентябре кошкиз, больницае ветло шуиз. Юля бертылйз 9 число, кошкиз <??> число. 7 число дырысен пукисько. Галя укол карыны ветлэ.

15/IX-11

<...>

2012 ар вуиз

Эляос дорын, ми но ас семьяенызы пукимы. Ёрги Дрон Сергейлэн машинаеныз мыныса ваиз Розаез но Юляез, Русланэз кышноеныз.

Умой пукимы. Роза 7 январе кошкиз Володя нуиз. Юлия Виль ар ортчыса ужаны кошкылйз. Собере нош 6 январе бертыса, 8 январе кошкиз.

4 феврале Лена вордйськем нуналзэ кариз. 7 кузя студент эшгёсыз ветлйзы.

5 феврале ми доры но ветлйзы. Чай гынэ сектай.

<...>

6/II-12

Кема гожъятэк улй ини. Шумпотйсько, Роза Юляен квартира басьтйллям. Бёрдйсько, жалясько улэм интызэс. Юлялэн будэм интыез. Мед быгатозы вылэм кадь потэ асьме семья басьтыны (Руслангёс) азылозэ. <...>

Куазь туннэ туж шулдыр, шундыё. Кёт урод. 8 мартэ нянь пыжи, Володя бертыса, липет вылысь лымыез куяз. Розаос өз бертылэ. Вуж патерысьтызы выляз поттаськыны. 8 мартэ пыжем няньме Виль коркаязы поттыны зечлык мед сётоз шуыса, жок вылын ик возисько на. Шудбур, тазалык, азинлык сйзисько вань выль улон интыязы. Со сяна калык шуэмзэ, ёросэд аслэсьтыд умой мед луоз. Алама ёросэн но улон умой өвёл. Мар шуом на? Ваньзэ умойзэ сйзисько. Ой оскы вал патер басьтом шуэмзылы.

11/II-12

24 мартэ Юля огназ, Русланлэн машинаяз бертыса 25 мартэ кошкиз. Выжгёсыз миськыса кошкиз. 30 мартэ Роза бертыса, корка котырысь лымыез мичиз, туж трос мисьтаськиз. Гараж липет вылысь лымыез куяз. Виль квартирайзы уло ини. 28 м2 пе. Шумпотйсько, ярам тыриллям, быгатйллям. Быгатэмея тыронзэс тырыны юртто ини. Мыным туж трос юрттэ.

7 апреле Володя кёня ке часлы бертылйз. Машиназэ тупатытэм но проверить карон сяин пе. Лапас вёзы канавае кырыса кельтйз. Тау нылпиосылы, лулме чакланы бертыло. Адзйськем но потэ, мёзмоно. Игорь только матын ке но улэ, уггес бертылы. Эля гуртын улэ ке но, уг ваньмы. Ваньмон дыръяз вуриськыны тырше, весь уксё кулэ угось.

Туннэ Пучи арня, нянь пыжи, табань пыжи Люда ветлйз табань но зырет вайыса. Собере Эля бертылйз, пыжиськем вайыса. Ваньзэ саламзэ ой кельты, трос луэ, тау ваньмыз понна.

8/IV

Тулыс 2012 ар

1 апрель арня нунал. Куазь пильмо, шунды но потаз. Каллен шунтйз, кытияз лымыяз. 9 апреле куазь шаплы шунтйз, нуназе бере урамтй туж шаплы ву лыктйз. 10 апреле потон уй өз кынты уин но нуназеозь шаплы ву лыктйз. Өркемей шур куаш вазиз. 11 апреле чүкна шаплы зорыса, ураметй нош ву шаплы лыктйз.

11 апрель Вир нунал, шур сьöры потйсько вал. Урам пуме вуи но, адзйсько Пр. Галяен туклячи бусыетй лыкто. Ву кошкись канаваетй потйзы. Монэ шур сьöры потыны өз дэмлалэ, ву пе туж бадзым, потыны кышкыт. Чай юыса кошкызы. Сельской сход луоз шуиз вал Пор Галя. Озы кышкаса потатэк кыли.

Туннэ 12 апрель, куазь пильмо, салкымгес. Өркемей шуг уг куашеты ни.

12/IV-12

Быдзым нунал.

Туэ ми доры уг лыкто, кылем арын ми дорын гынэ пукимы вал. Туэ юмшамы, кужымме тодон понна потай на Балаш Воваос доры. Угось пидэсьёсы висыса мырдэм ветлйсько. Шöдй, ветлысагес улыны кулэ, каньылгес луэ вылэм. Еремей Маня доры но Поре но ветлймы. Жыт 8 часын вуи доре. Юля бертйз вал, сьöрам чортй, потэмез өз поты. Адямиослэсь улэмзэс адзод шуыса. Ву бадзым на.

16/IV-12

Роза Юляен чөм бертыло. Оло мар ужъёсыз но ужаса кельто. 26 мае картофка мерттймы. Роза Юляен, Игорьёс 3 кузя, Лена, Павлик. Табань сиыны Володя Абрамычен вуизы. Шай вылэ лыктйллям Обран сватлы памятник пуктйллям, военкомат сөтэм.

29 мае Павликлэн 4 классэн люкиськоназ ветлймы. Быдэс классы 4-5 отметкаосын 5 классэ потйллям.

30 мае Эляен калига, кубиста, кияр мерттймы.

31 мае Павликен картофкаа мерттймы кылем сөе.

1/VI-12

Туэ Касьян ар⁹⁷, чекан ар. Мынэм потэ вал. Пыдъёсыным мынэме уг луы, машинаен нуись уз луы шуыса, мылкыдме ик öй жыты. 9 июне Юля огназ бертйз. Мыным верась өз луы. Розалэн суйыз чигем. 12 июне Юля кошкыз.

97 Мукет семен вераса, "високосной ар".

11 июне жытпал Калига Катя монэ Оксинья доры чортыны вуиз. Руслан машинаен нуэм но нош вайыны ветлэм. Оксинья но кенэныз машинаен бертйллэм майбырьёс. Мон ке вожденизэ сдать карыны 10 000 дас сюрс манет уксё сётй. Воже потйз, монэ нуыны өз ветлэ.

10 июне Эля муш бакчаез турназ.

Асьсэлэсь но косилкаен турнатйллэм. Лапассы липетсы куашказ вал. 11 июне липиллям. Мунчо бугро но чупизы, мед тыршозы ини адями выллем улыны.

12/VI-12

17 июне «Гербер» порма каризы. Жук пöзтьйзы. Ёмка Коля «Тйгырмен гурьёс» кырзан книга поттэм. Соосыз киньёс кырзаллязы соослы люкыйлызы. Лена Университетын дышетске 2-тй арзэ экзаменьёс сдать каре, «Чипчирган» ансамбле ветлэ. Ог сямен «Чипчирганъёс» концертэн ветлйзы. Асьме гуртьёс но кырзэзы, Вужгуртьёс но кырзэзы, шулдыр вал. Розаен Юля бертыйлызы. Юля кошкиз «Чипчирганъёсын». Роза кылиз, суйыз чигем но 2 нунал боры бичаны ветлйз. 20 июне кошкиз, кёт урод, мöзмылэс кылиз.

«Ленаед артист луоз» – шуэ Ёмка Коля. «Мед», – шуисько. Мед быгатовы котьмарин. «Ленаед ачид кадъ» шуо. «Павликед ачид кадъ», – шуо.

21/VI-12

13 августэ вал кадъ Тоня 2 нылъёсыныз бертйзы. Семья дорын дыръя умой вал. Роза июль толзэе 2 арня отпускын вал, собере Юля 2 арня отпускын вал. 1 арнязэ Тоняосын чош вал. Тоня бертэ ке весь аслыз уж шедьтэ. Туэ губиен вырыса. Первой табань губи бичазы Розаос, собере горд губи вуиз. Нылъёс сион котькызы пöзтьылызы. Сион туж ческыт кошкыйыз. 12 сентябре кошкызы, кёт урод кылиз, сион уг мыны ни семьяен кадъ.

16/IX-12 г.

Потй шур сьöры. Пенсионеръёсын кенешонэ. Пыри туклячи доры. <...>

19/IX-12

18 сентябре Эля бертыйыз, номырин вераськыса öм вуэ, Педора Маня кино адзыны лыктэм вал. Эля кино бырытозь губи бичаса вуиз. Газэз но тылэз учкиз но кошкиз.

19/IX-12

Улон-вылон сяин оломар но луэ. Колхозмы быриз, скалгёсыз ваньзэ келяллям. Табере клубез но быдтозы-а мара ини? Вурискон инты карыны туртто. Кõня ке адыми пе ужаны кыле на, со пушкы Ёрги но. Ёрги туж тырше ни али выль мунчо пуктыны.

Клубе ог 7-8 пенсионеръёс кырзаны ветло на. Мон но соос сьõры кырзаны итйськиско, чай юыса пукиськомы, чөмгес ик курытсэ но шõмгьяско, ми азьло озьы õм улэ. Мон озьы улыны дышымтэ. 21 ноябре «Анайлэн нуналэзлы» Киясаос но Подгорнойёс концертэн ветлйзы. Концерт бырем бере адымиос кошкызы, нош мон шузи чай юыны кыли. Сюлмы чүштаськемысь вина õй юы. Жõк сьõры пуксьылэм бере, Патан Тоня жõк пуме Путин кадь султйз но, мыным зеч кыл вераны кучкиз. Мария Павловна: олле эшгёс сиём-юом, 5-10 манет быдтомы. 5-10 манет ваньбур õвõл, вае валче уломы. «Мария Павловна, пенси бадзым басьтйськод, коть татчы чай ке но басьты. Люба апай кычө гынэ басьтылэ вал». Мон шуи: «Люба газ õз пырты, мон газ пыртй. Со газ пыртон вакыт вал. Газ ке пыртысал, озьы õй сектасал». Кин ке но шуиз, я тырмоз. Отын вал: Кузьма Маня, мон, Лида кен, Галя П., Зибай Рита, Пикаль Зина, Тая, Абаж Аля, Люда Петр. <...>

24/XI-12

2013 ар

Кема õй гождя ни. Синьмы алама адзө. Туэ Красноярскыс Тоня вазь бертылйз. Саша, Юра асьсэ машинаен 2 мае вуизы. Паймытйзы: юри ивор сөтытэк бертйллям. Бадзым кен жингыртэм, Киясае уин пыриллям. Яра Розаен Юлия татын вал. 5 нунал выходной каризы. 5 мае Быдзым нунал вал.

Володяос доры мынймы, Люда доры но вуимы. Бертыкумы Игорьёс доры пырыса пукыса бертймы. 8 час жыт вуиське ни вал.

Туэ Володя пенсиө потэм, 13 майысен отпускын, собере пенсиө кошкоз. 13 майысен кучкыса, быдэс арня Юраен корт юбо пуктылйзы. Укно улэ сетка пуктйзы. Заборез выльдыны турттйськомы профнастилэн.

Тоняос кошкызы 19 мае, арня нуналэ 15 мин-тэк 6 часын чүкна потйзы. Доразы вуизы дыр ини, жингыртэмзэс возьмасько.

21/V-13

21 мае мынй Педора Маня доры. Бертыкум Кион Катя укнояз жингыртйз но пыри. Чай юыса пукыкумы телефонэ жингыртйз. Тоняос вуиллям доразы 9 часын пе. 2 уй кõлыса вуиллям. Али пе ваннаын пыласькимы.

22/V-13

2016 ар

Июнь кучкыку флюорографии ветлймы. Синьме проверить карыны пыри. Операцие мыноно луиз. 24 июне мынймы. Операция карытэк но яралоз шуизы но бертймы. 28 июне урамтй ортчыны потй но, сюлмы висьыны кучкиз. Игорьлы жингыртй. 29 июне чукна зол висьыны кучкиз. Игорь Киясае нуиз. Отысь Сарапулэ лэзизы скороен. Игорь но келяса ветлйз. 36 час капельница улын кyllи. 12 июле выписать каризы. 18 августэ Тоняз ватйзы.

18 августэ Иже госпитале мынймы. 30 августэ бертй. 1 ноябре Киясае больницае ветлй, койкае поном шуиз Фомин. 16 числотэк өз сюри. Дорын эмъяськыны капельницаен эмъюмтёс басьтылй. Бертыкум ик пырай капца пуктыны. Валькаез (Миконор) келяны вуи 2 ноябре нош потай, бертыкум клубе пырай. 3 ноябре пыдын потыны ой быгаты ни. Ёрги машинаен поттаз. 16 ноябре койкае мынй. 28 ноябре потй, сюлмыд эмъяны луонтэм, операция кароно шуиз врач. Только мон пересь ини 90 аресэ тырмоно.

Володя кенэн нуналлы быдэ ветлйзы. Тау.

2017 ар

7 июне мынй синьме учкытыны. Консультацие шуыса лэзизы. 9 июне ветлыса бертймы. 13 июле операцие мынймы. 14 июле операция каризы. Синьмы өз тупа. 28 июле бертй 1 толэзь дорын эмъяса нокыче пайдаез өз луы. Бертыкумы Рыбак Петя доры пырамы. Петя кылле, номыр уг вала. 4 сентябре мынймы, лазерен эмъязы. Бур синьмы эм луиз. «Теперь работать можно, наклоняться можно» – шуиз эмъясь. 5 сентябре Рыбак Петяос адзиськыны лыктйзы. Роза городэ кылиз. Гужем ужъёс трос, картошка но октоз, пыртано но луэ, гурезь валлань. <...> Эн кулы мара мынэсьтым азьло, одйгды но медад кулэ мара. Кулон черодэн ке но өвёл шуи, всеравно мыным азьло черод.

Палляныз синьмы табере адже алама. Черод чаяк уг сюри, бесплатно ке эмъяло. Жыны ар возьмано луиз. Володя толэзълы быдэ жингыръяз.

2018 ар

13 феврале нош паллян синьме операци карыны мынй. Ёрги нулдэ. 14 феврале операци каризы. Синьмы нош умой өз луы. Соиз но, таиз но сложной операци шуиз. 21 феврале выписать каризы. «Уг адзы синьмы» – шуисько. 5 мартэ мыноно вал. Зол пуэд йётэмен, ой мыны. 13 мартэ Киясае ветлймы, яке мукет эмъюм вералозы шуыса. 21 мартэ нош ик Иже ветлймы, Игорь нулдйз. Азьло басьтэм эмъюмтёсын ик эмъяно шуиз. Бырем берез тауфон тырыны косйз.

Синь паллянэз кабаке, йыры висыны кучкиз. Кияса врач 13 апреле Иже лэзиз Игорен ветлыса бертймы. Пинял врач, ваньмыз комокаськем шуыса, эмъюмтёс гожтыса лэзиз. 16 апреле нош мыноно. Доре ой бертылы. Володяос дорын 2 нунал улий. Нормально шуизы, мазь басътймы. 8 мае нош ик синь кабаке висыны кучкиз.

10 мае Киясае ветлй, нош эмъюм басътй Броксинак. Нуналлы 1 пол гынэ тыроно. Пайдаез өвёл, 25 июне нош йыры висыны кучкиз. 26 июне Киясае мынйим. 27 июне Иже мыноно луиз Игорен ветлймы. Койкае куриьски.

120 кабинетысь койкае поныны соглаш луиз, модосмотр потй, анализэ умоесь. Врачтёс визьме юало Игорьлэсь «Она умнее нас», – шуиз Игорь.

114 кабинетэ пырыса синьме учкиз но, «неизлечимой», – шуиз. «Койкае поныса но уз йёна, заведующоймы өвёл, дорад эмъялод», – шуиз.

21/XII-18

2019 ар

Выль арез Эляос дорын пумитямы Розаен. 2 но жыны часын гынэ бертыса изимы. Ёрги нуиз-ваиз. <...> Розалы, куанерлы вань секыт усе ини. Аслаз но тазалыкез өвёл. Монэ но учке. Корка пушез чылкыт возе, дйськуттьёсыз миське, мунчо эстэ. Котьмар ужез ужа. Висиськомы, ум жўштйське, ум но вераське. Мон но висемме туж шаре уг поттйськы. Урам пумозь калтыртыны потасько. Ёзтьёсы висё, суйы бур палыз туж висе. Туннэ 30 январь. Роза Иже кошкиз.